

Awe ta
sigui cu
Presupuesto
2018 den
Parlamento



URATACA CENTER
Awe 23 April
Parmesan Chicken - Spaghetti
- Berdura & Garlic Bread
585 5212



MINISTER ODUBER A TRECE PRUEBA DEN PARLAMENTO RIBA BENNY CU CORUPCION DI TERENO

**Di unda Ministerio
Publico, Grens Politie
y Aduana a inventa
“contrabando” di oro?**

Minister President, mr. Evelyn Wever-Croes na Washington DC

REESTABLECIENDO CONFIANZA DEN ARUBA



Na Jaburibari

**Santa Fe a keda
total loss despues
di a bolter**

*Ocupantenan a salba
milagrosamente*



COMPLETE EYEGLASSES AWG.

(Frame + Stock SD Lenses)

Limited Time Offer | Visit Stores for details

AVC
Aruba Vision Center

582-6300

99.


“Ta tristo ora Parlamentario ta traha a base di rumor y no di hecho”

Ta di lamenta di por a nota articulo di parlamentario sr. Micheal Lampe insinuando cu Minister Otmar Oduber lo tin plan pa bin cu boutique hotel den Parke. Esaki como parti di pregunta haci door di e Parlamentario durante tratamiento di presupuesto pa Pais Aruba. Un di e tareanan principal di un Parlamentario ta pa semper defende voz di pueblo a base di hecho y no rumor y informacion falso.

Aki por tuma nota cu sr. Lampe no ta compronde kico e trabao di un Parlamentario ta encera. Hecho ta cu Minister Oduber no tin planea y no lo construi boutique hotel den Parke.

Hecho ta cu minister Oduber si ta hopi preocupa pa e situacion di Parke como tambe e mal intencion di algun persona pa crea confusion pa locual ta e tema aki. Realidad ta cu e momento a yega pa evalua y delibera kico ta e mihor forma pa por sigui salvaguardia e bienestar di empleado di Parke como tambe e area Arikok cu ta 20% di Aruba y propiedad di Pais Aruba.

Ta encurasha tur ciudadano cu ta preocupa cu e tema di Parke Nacional Arikok pa keda atento pa tipo di noticia incorrecto



Parlamentario Alan Howell

Ex - minister di Husticia a yuda strica 295 mil Florin

Siman pasa durante prome dianan di tratamento di presupuesto, Parlamentario di POR, Alan Howell tabata hopi directo y fuerte pa loke ta cierto aspectonan cu na su parecer a tuma lugar na un manera incorrecto durante periodo di gobernacion anterior.

Un di e partinan cu el a menciona a bay robez ta e asunto di rijbewijs. Tur hendepor corda cu a crea hopi duda riba e confiabilidad di e documentoaki cu a wordo considera cu e sistema con e ta wordo traha no por ta uno confiabel despues di e cambianan cu e ex - minister di Husticia a haci y cu a costa caha di pueblo 295 mil Florin. E Sistema manera cu e rijbewijs ta wordo procesa awor aki ta uno sumamente peligroso debi cu e no ta uno ‘fraudeloos’. Peor ainda ta cu a gasta e placa aki sin cu a bay via un destaho publico, siendo cu ley di contabilidad ta bisa claramente cu pa cualkiersuma mas halto cu

100 mil Florin mester bay un destahopublico. Mas aindateniendo e opcion di por a usa un aplicacion di Registro Civil totalmenteconfiabel y existentecaba cu por a wordoadapta pa traharijbevijs. Si a haci uso di e sistema di Censo no lo a costa pueblo casi nada mirando cu e tey caba.

Den Parlamento Alan Howell a declara “Mi mama y mi tata a siñami cu ora bo ta fout bo tin cu keda keto y acepta cu bo ta fout, bo no por ta ‘wrong and strong’, pero parce cu no tur hende a siña esey. 295 mil Florin a strica sin bay destaho publico, esey ta loke ex - minister Dowers a laga atras pa un proyecto di rijbewijs cu a wordo critica masha hopi mes debi na su falta di confiabilidad! Ma bin den Parlamento pa traha na bienestar di pueblo, pero ta parce cu m’a bin aki den pa cera hende...tin un paar di hende cu parce cu kier bay cera y investigacion ta mi koeki di cada dia. Ki mishi bo ta cera un deal di 295

mil Florin sin bay Openbare Aanbesteding. Si ta placa di e ex - minister ta su cuenta, pero aki ta trata di placa di pueblo, esey no por!”

Apesar cu e ex - minister Dowers a purba di hustifica su actuacion biniendo cu un cantidad di comentario sin base, ta keda un hecho cu Parlamentario Howell a desenmascara un proyecto cu keto bay ta dudoso y cu a costa nos pueblo un suma di 295 mil Florin sin cu a bay destaho publico. Un proyecto di rijbewijs cu keto bay tin duda riba dje debi na e erornan cu por tin riba dje. Parlamentario di POR ta indica cu e aplicacion di Censo cu yama CAS, cual por wordo adapta pa procesa rijbewijs tambe manera a wordo menciona ariba, e polisnan por haci uso tambe di e tecnologia di por wak number y cara di e personanan durante un asistencia den e auto di polis na momento cu esakinan conta cu e laptopnan cu lo wordo instala den nan.



Pesey Alan Howell a bisa cu mester investiga e cos aki hopi bon, pero tambe a presenta un mocion pa asina drecha loke ta fout den trahamento di rijbewijs, un mocion cu a conta cu sosten

di partidonan den coalicion y cu na momento di vota ta spera di por conta cu e sosten di henter Parlamento ya cu ta algo na bienestar y beneficio di Aruba y nos hendenan.

No tin claridad riba e caso di contrabando di oro

Husticia mester aclara!

Relaciona cu un caso di supuesto contrabando di oro cu a sosode na Febuari ultimo, te ainda no tin claridad.

Autoridadnan local a dicidi di confisca un persona riba un vuelo di KLM, despues cu e persona aki a yega Aruba cu Aruba Airlines y a acudi na Aduana pa entrega e maleta cu e oronan aden. Segun nos a compronde for di abogado Helen Lejuez, cu tur cos ta na ordo y su cliente no a haci nada robez. Nan semper a cumpli cu tur reglanan di Aduana, a procesa tur documento na e forma corecto y e oro semper por a sigui pa Amsterdam sin ningun problema.

Notabel ta cu awor Aduana y Polis ta trece tur sorto di alegacion dilanti, aparentando un contrabando di oro of un sorto di labamento di placa.

Grens-Politie, Icho Matos y Aduana:

Lo mas baho den henter e asunto aki ta ora cu e polis

encarga cu airport, Icho Matos, aparentemente a comete cierto falsificacion, ora nan a alega cu e persona aki a yega Aruba cu un avioneta. A bin resulta cu esaki ta un mentira flagrante, pasobra e persona a yega Aruba cu Aruba Airlines.

E cliente local "Pa Oro Armored Transfer" a cumpli cu tur requisito legal, di igual manera cu e ta cumpliendo ya pa 6 aña, desde 2012, cu nan tin contractnan pa transporta oro pa diferente refinarianan cu ta procesa oro. Awor tin un persona cu ta deteni pa 80 dia largo, cu no por recupera su libertad, mientras cu e compania cu ta transporta e oro, ta para riba cu nan no ta cometiendo nada contra ley.

Hefe di Aduana: Ta necesrio awor pa hefe di Aduana tambe por bin dilanti pa asina confirma kico ta encera un contrabando di oro.

Tambe Aduana mester sali afo y bisa si ta berdad cu e persona a baha di avion y a bay straight na Aduana, pa asina informa, entrega



e maleta di oro y tambe si ta berdad cu personal di Aduana mes a compaña despues pa hib'e na gate di KLM.

Si ta algo robez a tuma lugar, dicon Aduana a tarda asina hopi pa tuma accion encontra di e persona aki? Segun e abogado a bisa, cu e actitud aki di husticia, ta hinca pais Aruba den problema serio, pasobra na final di dia, lo lanta un caso contra pais Aruba, pa e daño ocasiona na e confiscacion aki. Nos ta haci un yamada na polis, aduana, y na OM pa nan duna cuenta ta kico ta pasando den e caso aki.

Di unda Ministerio Publico, Grens Politie y Aduana a inventa "contrabando" di oro?

Ora ta wordo papia di "contrabando", ta significa cu un producto no mag drenta un pais. Tambe e por significa cu un producto cu mag drenta, no a paga invoerrechten.

Den e caso di oro cu a wordo confisca na luna di Februari riba un vuelo di KLM, cual di dos descripcion di contrabando esaki ta fit?

Ningun di dos!

E maleta di oro a drenta Aruba via transito, pa cual e compania local a informa Aduana di dje, via documentacionnan di Aduana mes.

Despues di a baha na Aruba, a entrega e maleta di oro te den oficina di hefe di Aduana na Airport.

Prome cu e vuelo a sali pa Hulanda, ta propio Aduana a busca e maleta den oficina di hefe y a hibe pone riba KLM. Despues di 5 minuut, mes Aduana hunto cu polis, ta presenta den KLM pa confisca e oro.

Con ta posibel cu Grenspolitie cu ta e autoridad na airport por substancia "contrabando" di oro? Con Husticia ta substancia esaki? Ta un "producto" of un "metal" cu mag drenta Aruba. Cuanto joyeria tin na Aruba? "Oro" no ta menciona den e acuerdo nobo cu Venezuela. Pues, di ki forma e ta "contrabando" di oro? A purba di drenta Aruba cune? NO! A drenta Aruba sin paga invoerrechten? NO!

Oro ta prohibi pa drenta Aruba? NO! Pues, di ki forma esaki ta contrabando? Desde 2012 oro ta wordo transporta via di Aruba pa diferente pais y den TUR e casonan aki, Aduana ta debidamente na altura. Pues si bin resulta cu ta contrabando y labamento, kier meen cu Aduana tambe a coopera desde 2012 pa esaki tuma lugar?

Desde cu Helen Lejuez a trece su punto dilanti, Husticia ta keto. E persona ta keto bay deteni na Kia. Dicon no ta aclara e caso aki? Kico Ministerio Publico ta warda?

John F. Kennedy School lo wordo renoba y lo acomoda tur departamento di enseñanza

Minister Rudy Lampe a informa den parlamento diabierna, cu tur cos ta cla pa cuminsa e renobacion di John F. Kennedy School. E school aki tin mas di 20 aña para y bandona. E intencion ta cu e edificio aki lo sirbi pa acomoda tur departamento di enseñanza, pues lo converti su mes den un Centro di Enseñanza. Ademas lo tin como 5 school cu tin prioridad pa wordo renoba pa cual renobacion lo cuminsa lo mas pronto posibel. Minister Rudy Lampe ta mostra tur bon intencion pa resolve problemanan di enseñanza di nos pais



Minister Rudy Lampe a anuncia cu lo cuminsa cu School di Ofishi

Segun Minister Rudy Lampe, e lo bini bek cu school di ofishi. E minister a bisa diabierna anochi cu e school lo mester forma hobennan pa haya un ofishi, por ehempel "un bon mecanico", "un bon carpinte" pa nan gana nan pan di cada dia. E idea aki a wordo bon ricibi den comunidad. Maske cu ya caba por tin schoolnan cu metanan similar, lo mester fortifica mas schoolnan cu mas variacion di ofishi. SOLO DI PUEBLO ta recomenda Minister Rudy Lampe pa tira un bista den un school pa barbero y tambe pa estilista, y peluquero. Esakinan practicamente no tin hende pa haci nan y mester importa trahador di exterior. Cu Minister Lampe start lo mas pronto posibel pa asina por trece yudanza na pueblo. Pabien Minister Rudy Lampe cu e anuncio aki.

PUEBLO A HAÑA SU PEN BEK

Pa kualkier informacion
solodipueblo@gmail.com
of
585-9500

Na Jaburibari

Santa Fe a keda total loss despues di a bolter

Ocupantenan a salba milagrosamente



Diasabra marduga pa mas o menos 2:20 polis a bay riba e caminda di Jaburibari. un poco panort di Parke Curason unda e Santa Fe a bolter.

Polisnan na yegada a topa cu e vehiculo mey mey caminda. E auto tabata gebolter y bo no por a mira ki sorto di auto of marca e tin. Asina destrui e auto a keda ariba su dak.

Den e auto tabata tin un pareha jong, hopi spanta pa loke nan a caba di pasa aden. E dama tabata na yoramento y e cabayero tabata musta manera zonga. Milagrosamente nan a sali cu solamente algun rasca.

Polis mirando con e auto a keda, a opta pa un ambulance bin e sitio y controla ambos persona. Velocidad halto a hunga un rol grandi den loke a pasa.

E Sante Fe bayendo panort direccion bocht di Calabas, na un bahada, a perde control completo di e auto debi na velocidad hopi halto.

E auto a kita bay na su man robey, caminda cu el'a

cuminsa ranca cadushinan di mey caminda. Dios tabata un cura di transha. Despues compaña e pareha aki. pa bay keda ariba e dak mey



Minister Rudy Lampe a hiba un excelente defensa den parlamento pa su presupuesto

“Mi ta prefera di cana sin mi ideanan, contal mi cana cu e profesionalnan y maestronan den enseñanza”

Diabierna anochi a toca turno na Minister Rudy Lampe pa hiba un discurso den parlamento pa asina defende su presupuesto di aña 2018.

Pa prome vez ocupando e posicion di Minister, Rudy Lampe a duna un excelente presentacion.

Minister Lampe a bisa: “Mi ta prefera di cana sin mi ideanan, contal mi cana cu e profesionalnan y maestronan den enseñanza. Aunke cu mi pone mi ideanan on hold, no tin sentido pa cana cu mi idea y sin e profesionalnan. Asina Rudy Lampe a duna di conoce cu e lo para su plan pa manda DPS den un fundacion. Durante mas di un ora largo, Rudy Lampe a keda splica su maneho y su cambianan cu e kier trece. Por constata cu su presentacion a wordo bon ricibi den pueblo. Principalmente ora el a trece un cantidad di ideanan fresco pa enseñanza di Aruba.



Notabel ta cu Rudy Lampe ta mucho mas mihor prepara cu Michelle Winklaar. Sinembargo ni sikiera nos por compara nan cu otro, pasobra cu Michelle Winklaar no tin e preparacion cu Minister Rudy Lampe tin.

Cu Rudy Lampe como minister nos por dune e beneficio di duda cu e ta compronde y ta dispuesto pa

semper re evalua cualkier idea cu e por tin, cu actualmente no tin acogida.

Loke mas no a admira di Rudy Lampe te hecho cu el a formula un bunita statement pa asina distancia di su idea di manda DPS den un fundacion. Pabien Rudy Lampe y forza den bo trabao.

Grens politie y Aduana mester splica riba informacion falso hinca den e caso di oro

Den documentonan relaciona cu e caso di oro cu a keda confisaca na luna di Februari, ta aparece informacion totalmente robz. Riba un documento di polis y aduana ta skirbi cu e persona a yega Aruba cu un avioneta “YV”. A bin sali na cla cu esaki no te caso, pasobra e persona a yega Aruba cu vuelo di Aruba Airlines.

Kico te motibo cu a conduci Aduana y Polis, den e caso aki, Grenspolitie pa duna tal declaracion?

Esaki no ta declaracion falso? Ademá, tanto Grenspolitie y Aduana mester informa tambe ta cuanto aña e operacion di transportacion di oro tabata tuma lugar y mester confirma si e compania local “Pa oro” tabata acudi cada vez na Aduana pa entrega e oro y djey buske bek ora di aborda avion. Es decir? y Aduana desde 2012 tabata na altura di e operacion aki, pero nunca a tuma paso? Dicon awor si? Y ne forma cu el a wordo haci?

E compania local ta alega cu e mes un oro aki, ta yega

Hulanda y ta pasa via di Amsterdam pa asina sigui pa su destinacion final, cual ta e refinerianan industrial cu mester ricibi esaki.

Desde 2012, nunca a sconde esaki pa Aduana ni Polis. A sigui nan instruccion “a pie de la letra” y pa awor nan bin pretende cu ta contrabando.

Contrabando ta significa ora cu un producto ta drenta Aruba cu no mag drenta Aruba. Of ora un producto drenta Aruba sin paga invoerrecht.

Den e caso aki, e maleta di oro no ta ilegal, pasobra leynan di Aruba no ta prohibi oro. No mester paga invoerrecht, pasobra e no ta drenta Aruba.

E oro ta keda den transit! Pues con OM, afpakteam, Grenspolitie, Aduana por fabrica un alegacion di “contrabando”? Con nan ta substancia esaki?

Ta pidi Ministerio Publico pa cuminsa duna cara y stop di sconde e blunder cu nan ta cometiendo! Pasobra despues cu Helen Lejuez a bati Ministerio Publico, ningun musca no a bula!

Candidata nan Miss Beauty Aruba cu prome actividad social

Despues di e tremendo instalacion siman pasa den Cas di Cultura, e weekend aki, tur e participante nan pa Little Princes, Little Miss, Preteen di Cas Princesa Aruba a tene un dia cu actividad social. E tema di e dia tabata “Ban conoce otro (turista riba mi isla)”. Durante e paseo varios parti nan turistico riba e ruta di bus Oranjestad pa San Nicolas a ser bishita.

Na final mayornan a busca nan yiu y tur a bay cas contento. Cas Princesa ta corda tur hende cu dia 26 di mei tin e competencia di talento den Cas

di Cultura. Bishita e pagina riba facebook di Cas Princesa Aruba, pa mas informacion.

Instalacion Cas Princesa 2018 Den Cas di Cultura dilanti di un publico grandi a tuma lugar instalacion di e candidatanan di Cas Princesa 2018. Un total di 11 candidata di Miss Beauty a ser oficialmente instala pa e diferente certamen cu ta Little Princes, Little Miss y Preteen pa Cas Princesa Aruba. E aña aki a introduci un categoria nobo cu ta esun di Miss Teen Petite 2018. Esun aki lo ser corona den e

certamen final dia 29 di Juni 2018 den Cas di Cultura.

E maestro di ceremonia di e anochi tabata Addonsito Croes y a conta cu presentacion di Diamond Dance Group kids & teens, Judson Vrolijk, Gucci Dancers, Candy Dancers. E sorpresa di e anochi cu a pone e publico grita tabata e momento cu nos artista internacional JEON a parece riba e escenario mientras Diamond Dance tabata presenta e exito mundial “Machica”.

Danki na Michael Naar y Zoom Aruba pa e potretnan.



Auto accidenta encontra na Alto Vista



Diasabra madruga un patruya di Polis a encontra un auto turkiba y un palo di luz benta abao na Alto Vista. Mesora a tuma contacto cu Central di Polis pa wak sin nan tabata na haltura di un accidente na Alto Vista, pero Central mes no a ricibi ningun yamada ainda. Mirando e situacion, ta musta cu e auto ta parce cu nan tabata lastre, pero e cabuya mester a kibra cu consecuencia cu e auto a dal y a basha un palo di luz abao. Polis a laga takel e auto pa mas investigacion y a laga Central di Polis pone Elmar y Setar na altura di e cabel y wayanan cu a keda benta abao.

ECOGAS: e solucion pa nos desperdicio aki na Aruba?

Dia 25 di April 2018 e Sociedad di Ingeniero di Aruba (SIA) ta organiza un actividad unda sr. Ramsey Halabi di Ecogas lo presenta un posibel solucion pa nos problema cu desperdicio aki na Aruba.

E gobierno nobo di Aruba ta determina pa soluciona e problema di desperdicio ariba nos isla. Ta pesey gobierno di Aruba a anuncia medio Januari di e aña aki cu lo nan bay traha ariba un maneho di desperdicio cu ta sostenibel y ta pesey e gobierno a identifica e siguiente 3 pasonan pa cana:

1. Un planta pa trata e desperdicio termicamente combina cu recuperacion di energia.
2. Cera y remedia e dump di Parkietenbos.
3. Crea un dump nobo pa e resto di desperdicio cu ta cuadra cu normanan sostenibel y cu por trata debris genera durante desaster. Pa por cana e 3 pasonan aki Gobierno di Aruba a invita companianan ariba mercado pa participa den e proceso aki y manda nan informacion pa medio di un "Request for Information" (RFI). E ultimo dia pa entrega informacion ey tabata dia 16 di Maart 2018.

Den un recien comunicado di prensa e Minister encarga cu medio ambiente di Aruba a

declara cu companianan local y internacional a reacciona cu nan RFI completa. Te hasta di Europa y China companianan a participa. Pero segun ECOGAS, e manera pa trata e desperdicio genera aki na Aruba, ya ta funcionando na nan planta.

Prome cu a modifica y mehora e planta aki na 2014 introduciendo un proceso di gasificacion di desperdicio, ECOGAS tabata separa e sushi cu ta drenta na nan planta mecanicamente. E separacion aki tabata tuma hopi labor di hende mientras tabata genera poco material recyccla cu un balor abao ariba mercado. Ekipo nobo manera shredders, bunkers, comprimidoran y gasificacion a wordo instala. E proceso di desperdicion a cambia pa uno cu ta produci un combustibel yama RDF (Refused Derived Fuel) cu ta contene un cantidad considerabel di energia y alavez e hero, otro metal y carton tabata wordo separa y exporta. E intento pa gasifica e RDF produciendo gas cu por wordo usa den un planta di energia y como combustibel di un generador pa genera electricidad no por a sigui pa motibo cu e calidad di e gas no tabata segun e especificacion.

Mientras tanto awor e RDF,

cu a wordo controla profundo segun e normanan di TCLP e departamento ambiental EPA di Estados Unidos, ta wordo hinca den saco, poni den balanan, comprimi y extrui den asina yama ENVIROBALE. Di e manera aki e volumina ta wordo reduci cu 80% pa asina e por wordo warda den buracan conboca. TCLP ta para pa con venenoso e desperdicio por ta y cuanto di esaki por sali afor durante tempo.

Ariba YouTube e proceso di gasificacion ta wordo splica: bishita <https://www.youtube.com/watch?v=AK6mzLOWhq0>

E pregunta mas importante cu mester wordo discuti durante e presentacion ta cu: ta di con cu ya ECOGAS tin un solucion tecnico esaki no ta wordo usa??

Tur ingeniero cu un grado di por lo menos Bachelor ta invita pa atende e presentacion aki cu lo tuma lugar dia 25 di April 2018 cuminzando 7' or pm na e edificio di Stichting Sonrisa na Pavia.

Por favor confirma bo presencia pa medio di un email pa leohenriquez@ecoprofile.eu no mas tarda cu 12' or di merdia dia 24 di April 2018. No lubida di menciona bo grado den ingenieria.

Segun dama, dos adicto a atak'e den un laundry na Shiribana

Diasabra merdia den careda di 2' or un señora di un laundry na Shiribana a pidi polis cu urgencia, pasobra dos adicto a atak'e den su lugar.

Varios patruya a yega hopi liher na e laundry y a papia cu e señora, caminda el'a duna su version di loke a pasa. Segun e señora dos adicto cu ta biba den un cas conoci pa polis poco mas pabao a drenta y exigi su persona placa.

E ta sigui conta, cu e la manda nan bay traha y stop di usa droga, tambe el'a describi polisnan e persona.

Polis mesora a sali bay e cas conoci pa nan. Un persona cu e descripcion a bin a pafor y a splica su banda di medaya. Polisnan a conclui cu ambos banda ta conta cosnan diferente. No a keda polisnan nada otro cu, mustanan e caminda pa cana si nan ta desea di entrega keho contra otro.



Minister Oduber a trece prueba den parlamento riba Benny cu corrupcion di tereno

Diabierna atardi tabata turno di Minister Otmar Oduber pa trece su defensa dilanti pa su presupuesto di 2018. Durante su presentacion e Minister di infraestructura a trece dilanti un serie di acusacionnan, unda por link ex - minister di AVP, Benny Sevinger, na actonan

di corrupcion. Entre otro a trece dilanti cuentanan di banco na Chase Bank na Merca, unda hendenan hopi conoci den comunidad tabata ricibi sumanan di 200 mil dollar. Otro cuentanan bancario tabata muestra bon cla con cierto comerciante, a sponsor campaña di Benny

Sevinger, pagando sumanan hopi grandi na China pa flanel y material pa campaña di Benny. Ademá el a trece dilanti un cantidad di casonan dudoso, unda cierto adviesnan di DIP tabata wordo skirbi na man. Comosifuera poco, el a tece casonan unda Benny

Sevinger a frima tereno di 30.000m², den un forma hopi hopi liher.

Cu tur e pruebanan aki den man, kico fiscal y OM ta warda pa manda busca e pruebanan aki y pa investiganan? Of aki na OM mes ta aproba corrupcion?



ARUBA ONE HAPPY ISLAND LIONS CLUB TA ADOPTA PLASTIC BEACH

Regularmente lo mantene e beach limpi y ta haci un apelacion na comunidad pa yuda mantene limpi tambe.



Recientemente miembronan di Aruba One Happy Island Lions Club a tene nan "beach clean-up" regular na Plastic Beach. Tabata aña pasa durante e di 16 edicion di Beach Clean-up organiza pa AHATA cu Aruba OHIL Club a tuma e iniciativa pa adopta e beach aki y 2 pa 3 vez pa aña ta mantene e beach aki limpi. Fin di Maart ultimo un vez mas miembronan activo di a tene un limpieza regular na Plastic Beach.

Mester trece dilanti cu a encontra un gran cantidad di obhetonan di plastic. E club ta haci un fuerte apelacion na tur esnan cu ta haci uso di nos beach pa ban ta conciente y mantene esakinan limpi, igualmente esnan cu ta haci uso di lama sea pa pisca of paseo pa no deposita sushi of plastic den nos lama. Deposita tur sushi den e bari of baki corespondiente. Aruba OHIL Club a instala un borchu indicando cu Plastic Beach ta adopta pa e club y e club hunto cu e comunidad lo mantene esaki limpi. Plastic Beach ta ubica net pariba di e entrada di Colony banda di Bachelor's beach.

A apunta Tisa LaSorte como e CEO y Presidente nobo di AHATA



E hunta di Directornan di Aruba Hotel and Tourism Association (AHATA) ta anuncia nombracion di Tisa LaSorte como CEO y Presidente di AHATA, entrante dia 18 di Juni 2018. Actualmente Tisa LaSorte ta emplea na Bucuti & Tara Beach Resort como un miembro di nan ekipo di gerencia.

Mester bisa cu e tin un amplio conocimiento den e industria di hospitalidad, gerencia, periodismo y mercadeo. Den su rol nobo, Tisa LaSorte lo enfoca riba atrae mas turismo sostenibel pa garantiza exito continuo pa nos isla, promoviendo un maneho

sensato dedica na turismo, sigurando e miho interes di tur e miembronan di AHATA y sostene envolvimento di henter comunidad.

"Nos ta masha gradici na Jim, cu a sirbi AHATA y e comunidad grandi di turismo di Aruba pa e ultimo 8 añanan. Nos por mira bek riba algun logro importante bao su liderazgo den area di mercadeo di e isla y den lobby na interes di nos miembronan. Nos ta dese'e tur cos bon den su esfuerzo nobo", asina Tom Calame, Presidente di AHATA, a duna di conoce. "Nos ta desea Tisa un caluroso bon bini den e team di AHATA como e CEO

y Presidente nobo. Nos ta spera di por sigui traha riba un futuro briyante cune".

Tisa LaSorte ta naci y lanta na Aruba. E ta yiu di ex-Diputado di Turismo y ex-Gezaghebber Oscar Henriquez. Despues di a logra su diploma den "Broadcast Communication Management", el a inicia su carera como un reportero respeta na Tele Aruba, prome cu el a muda pa bay biba na Merca. Durante e 20 añanan cu el a biba na Merca, e tabatin un carera exitoso den maneho di stacionnan di television grandi den noticia y deporte na Chicago y na Phoenix.

Aruba Hotel and Tourism Association (AHATA) ta representa e sector turistico di nos pais desde su fundacion na aña 1965. Actualmente AHATA ta conta cu mas di 100 miembro y ta responsabel tambe pa e "Aruba Casinos Association" y e "Aruba Hospitality and Security Foundation". Su rol primordial ta di ta e bos pa crecimiento sostenibel pa tur su miembronan. Pa mas informacion por subi www.ahata.com.

"Sea Bunita Sea Bo Mes" 2018

Den cuadro di e lucha pa inclusion di nos personanan special den nos sociedad Fundacion Sea Bunita Sea Bo Mes pa di 3 aña consecutivo a presenta e evento y fashion show "Sea Bunita Sea Bo Mes" riba e runway di Renaissance Convention Center. Durante e anochi special y unico aki diferente celebridad a modela cu nos muchanan y personanan special, demostrando di e manera aki con importante e ta pa inclui nos personanan special den nos sociedad. Nos kier a gradici tur esnan cu a coopera pa haci e anochi aki grandi.

Adhunto ta fotoshots di parti di e show di nos modelonan cu tabata riba e red carpet diasabra anochi den Renaissance Convention Center durante Sea Bunita Sea Bo mes 2018, cual hasta un baby cu ta Down Syndrome a bin for di Curaçao pa por ta den e show aki.

Modelo Anthony Mendoza Orosco cu Celebridad Chiara Petrocchi

Modelo Amariah Amaurah Abyella Dania cu Celebridad Denrick "DenDen" Wouters

Modelo Saray Alvarez cu Celebridad Kendra Maduro

Modelo Kris Eliakim Grovel cu Celebridad Sophia Petrocchi

Juan Jose Guzman cu Celebridad Darienne Tromp

Modelo Athina Beatriz Fernandez cu Celebridad Mrs. Dr. Kyle C.L.B. Bennett Maria

Modelo Kaythairy Richardson cu Celebridad Jefferson Paris.

Modelo Jake Manuel Lacle cu Celebridad Licielle Hoek

Modelo Jaydrick Jerickson Clement cu Celebridad Janiro Eiden.

Modelo Kendrick Angela cu Celebridad Marsheline Kock

Modelo Sarah Isabella Mora Contreras cu Celebridad Eltienne Yarzagaray.

Modelo Zion Myyle Ras cu Celebridad Dr. Alejandra Vallejo.

Modelo Alexandra Erlin Cardona Celebridad Dr. Mike Genser

14. Modelo Disjonrick Jacobs cu Celebridad Siomara Everon.

15. Modelo Johnisha Marisa Medina cu Celebridad Sulaika Francees

16. Mia Amalia De Sousa directamente for di Curaçao cu Celebridad Ileyna Sandra Marie De Cuba

17. Modelo Tanique Fatima Chan cu Celebridad

Anaisa Orman

18. Modelo Jasley Ericienne Geerman cu Celebridad Rick Engelbrecht

19. Modelo Nadine cu Celebridad Gregory Lyder.

20. Modelo Jocelyn Julien Martinez cu Celebridad Inger Croes.

21. Modelo Regina Janga cu Celebridad Claudius Philips.

22. Modelo Ilaijah Croes cu Celebridad Diana Bikker.

23. Modelo Stacey Rachel De Veer cu Celebridad Jan Poets.

24. Modelo Jenny Jennifer Ras cu Celebridad Benjamin Francees

25. Modelo Shawndré Joshua Hans Geerman cu Celebridad Darlene Falconi.

26. Modelo Rixander Kemp cu Celebridad Ministro Otmar Oduber



Join the move ment

**Un cantidad grandi di doñonan di cas
super contento a muda caba. Abo ta e siguiente ?**

**Ricibi te cu
US\$3,000***
- bek si bo cera bo
hipoteca prome cu
16 di Mei!**

CIBC FirstCaribbean por yudabo construi of cumpra bo cas, of cambia bo hipoteca existente. Uni na e miles di doñonan di cas contento cu nos a yuda exitosamente den Caribe na yega nan nan propio cas e aña aki. Esaki ta e momento pa bira doño di bo propio cas door cu bo por haya bo hipoteca:

- Sin gasto administrativo inicial
- Te cu 95% di financiamiento
- Te cu 35 aña pa paga bek
- Credit Card pre-aproba cu 5000 punto di bonus
- Cu e prestamo di "EasyCover Revolving" pa e seguro di bo cas**
- CIBC FirstCaribbean su Plan di Proteccion di Seguro di Candela* Flexibel

Switch bo Kuenta di Spar
- Interes atractivo te cu 2.25% (APY 2.27)****

Tuma contacto cu un di nos Especialista di Hipoteca awe mes na 522-5600 of bishita cibcfib.

Banking that fits your life.®

CIBC FirstCaribbean International Bank

*Condicionan adicional aplicabel pa prestamo. **"EasyCover Loans" ta disponibel unicamente pa clientenan cu ta haci uso di e plan di seguro di cas y auto di CIBC FirstCaribbean. ***E bala di e moneda local ta basa riba e cantidad di e hipoteca. E plan di seguro di CIBC FirstCaribbean ta wordo distribui door di e agente di seguro di CIBC FirstCaribbean. E plan ta requirida y administra door di Marcy United Insurance Ltd. e compania di seguro. ****Offer ta valido solamente cuminsando for di un suma di AWG 1000.00 of mas! APY (Annual Percentage Yield), ta e porcentaje di interes cu ta refleta e suma total di interes risibí riba un deposito turnando en cuenta e efecto di calculashon di interes resibí. The CIBC logo is a trademark of Canadian Imperial Bank of Commerce, used by FirstCaribbean International Bank under license.

Partido AVP ta pro destruccion di capital?

Te ainda Mervin Wyatt - Ras ta kere cu MEP tin e mesun mentalidad destructivo cu di AVP



Porfin politiconan di AVP a bin ta realiza cu gobernacion den un pais realmente ta un continuidad y cu no mester comete actonan destructivo ora cu como partido politico bo haya e oportunidad pa carga e responsabilidad aki. Asina nos di MEP a tuma nota con ultimamente politiconan di AVP manera entre otro e parlamentario Mervin Wyatt-Ras siman pasa ta declara cu "Gobierno actual ta ehecuto proyectonan di e gobierno anterior". Pregunta na sra. Mervin Wyatt-Ras ta, cu si esaki ta algo straño of cu e tambe ta pro - destruccion di capital?

Mal calidad di construccion

Hecho ta cu den un pais cu ta wordo goberna decentemente, esaki ta algo hopi normal, ya cu si tin proyectonan cu a ser laga atras pa un gobierno anterior, ta e deber pa e gobierno na mando continua cu e proyectonan aki, ya cu aki ta papia di placa di pagadornan di belasting. Mester remarca si cu e proyectonan cu Gabinete Mike Eman a laga atras na 2017, practicamente tur di nan ta yena di problema y obstaculo, tanto den calidad di construccion como den extra fondo cu mester ser hinca den esakinan (meerwerk). Asina

nos por mira con e Green Corridor y Watty Vos Blvd ta ser confronta cu un gran cantidad di fayonan y tambe un Hospital renoba cu holor di diesel y cu lo bay costa 110 miyon florin extra, ya cu a lubida riba cambenan di operacion, unidad di cuido intensivo etc. Tambe un MFA di San Nicolas cu no por wordo construi ya cu e placa pa e proyecto aki a somenta, prome cu a pone e prome piedra mes.

Ta bisto cu sra. Mervin Wyatt-Ras nunca por a biba kere cu un gobierno responsabel manera di MEP-POR-RED ta continua cu tur e proyectonan aki, ya cu e mes ta hinca den un partido AVP cu ta sinonimo na boycott y 'kapitaal - vernietiging' di un gran cantidad di proyectonan cu Gabinete Oduber a laga atras na 2009.

Boycott di varios proyecto di MEP

Ta increibel con na final di 2009 Gabinete Mike Eman a boycotia un gran cantidad di proyectonan noble y necesario pa nos comunidad. Proyectonan cu a ser boycotia tabata entre otro: 1. E proyecto di Fluff y Dump na Parkietenbos (Solid Waste Management). 2. Centro di Cardiologia na IMSAN San Nicolas. 3. School HAVO/



VWO na Noord, 4. Parke deportivo di Little League na Pos Chikito. 5. Hotel di 5 strea Grand Melia na Bushiri. 6. E demas casnan social (mas o menos 100 cas) na Palisiaweg cu a inicia caba bao di Gabinete Oduber. Tambe no mester lubida cu nan tabata tin e intencion serio di boycotia e unico hotel di 5

strea Ritz Carlton, pero ora cu nan a sinti e rosea cayente pa cu un caso den Corte, nan mester a dobla rabo y para e boycott aki nan mes.

Pues por mira claramente cu partido AVP tin un mentalidad sumamente mezquino y destructivo, ya cu nan semper ora nan drenta gobernacion

nan ta haci tur intento pa boycotia proyectonan noble laga atras pa e gobierno anterior. Lamentablemente parlamentario Mervin Wyatt - Ras te ainda no ta mira tur esaki y awe ta kere cu partido MEP tin e mesun mentalidad cu nan, esta di destrui tur loke ta na beneficio di pueblo.



Oficinanan di Aduana lo ta cera riba 27 y 30 april y dia 1 mei venidero

Departamento di Aduana ta informa cu su oficinanan lo ta cera riba e siguiente dianan en conexion cu dianan di fiesta y ATV obligatorio:

Dia	Motibo
Diabierna 27 april 2018	Dia di Rey
Dialuna 30 april 2018	ATV obligatorio di gobierno
Diamars 1 mei 2018	Dia di obrero

Departamento di Aduana ta hasi un suplica na tur cliente pa tene cuenta cu e anuncio aki y pidi pa servicio di Aduana na tempo pa evita cualkier inconveniencia cu por surgi.

Diaranson 2 di mei proximo e oficinanan di Aduana lo ta habri bek normal pa sigui brinda servicio na su clientenan.

Gerencia di Departamento di Aduana

Parlamentario Endy Croes a entrega mocion:

Asfalta careteranan di tera, pone luznan den barrio y pone sleeping police

Parlamentario Endy Croes a vocifera su mes diabierna ultimo durante un reunion publico di Parlamento cual a inicia 9:00am y a termina diasabra marduga algo despues di 12:00am, pues un reunion di algo mas di 15 ora largo. Durante e reunion aki a trata presupuesto 2018 di carteranan di Ministernan Otmar Oduber, Chris Romero y Rudy Lampe. Al respecto infraestructura Endy Croes a elabora extensamente riba esaki splicando cu den diferente cas- y barionan cu el'a bishita e peticion pa entre otro asfalt, luz den barrio y sleeping police tabata inmenso. Den Noord manera por ehempel Alto Vista

pariba, Washington, Sabana Liber, Seroe Janchi, casnan di pueblo, na Hato, Seneblar, na Sta. Cruz Macuarima, KasAriba, Picaron, Papilon y Sabana Grandi, Sabana Basora y Pos Chiquito pa duna algun ehempel pero sigur rond di Aruba ta rogando pa ayudo. Hopi ta pidi pa asfalt, otro ta solicita pa luz y diferente ta pidi sleeping police primordialmente barionan cu tin hopi mucha y ta preocupa pa cu nan seguridad door cu autonan ta core duro den barrio.

Na final di su disertacion Parlamentario Endy Croes a entrega un Mocion cu e peticion aki na Minister

Otmar Oduber. Alavez den mesun mocion ta pidi pa inventariza tur e peticionnan cu den pasado por a wordo entrega na DOW y inclui tur esakinan den un plan continuo pa structuralmente keda alivia barionan di nan dolor. Manera e programa di gobernacion "Hunto pa Aruba" ta menciona cu e parti mas esencial ta cu e hende mester ta central. Pa e motibo aki nos lo bringa y traha pa soluciona tur problema cu ta concerni "e hende" y ohala den 4 aña por resolve y alivia e gran mayoria. Na Hulandes nan ta bisa: 'Waar een wil is, is een weg'. Esaki sigur ta nos "motto", Parlamentario Croes a termina bisando.



MOCION

Parlamento di Aruba awe 20 di April 2018, den su reunion public no. 14 tratando e ley di presupuesto Landsverordening tot vaststelling van de begrotingen van de ministeries van het Land voor het dienstjaar 2018,

CONSIDERANDO CU:

- E estado di diferente camindanan di tera den barionan rond Aruba;
- E efecto di stof insoportabel cu esaki ta trece pa famianan;
- E estado di diferente camindanan di asfalt cu ta hopi deteriora;
- E estado di scuridad den diferente barrio cu no tin luz;
- E inseguridad cu esaki ta trece cune;
- Pa controla velocidad den barrio (sleeping police);
- Revisa tur e peticionnan di pasado;

TA DICIDI:

- Pa urgi gobierno pa traha un lista di prioridad y implementa na un manera structura y continuo pa por asfalta camindanan di tera, drecha camindanan di asfalt deteriora, pone sleeping police y ilumina barionan cu falta di Luz den sequencia di esnan den necesidad.
- Alavez ta pidi pa revisa tur peticionnan di pasado pa tur locual ta menciona aki riba y dunanan e atencion debido. Mediante comision fiho di infraestructura lo pidi un reunion cada 3 luna pa asina monitoria e desaroyo y adelanto.

Y ta pasa pa orden di dia

Durante tratamiento di presupuesto 2018

Fraccion di POR te na e momentonan aki a presenta 8 mocion na bienestar di pueblo



Den e prome dos dianan di reunion publico den Parlamento pa trata presupuesto di Pais Aruba pa aña 2018, Fraccion di POR, conhuntamente cu e partnernan den coalicion tabata hopi activo y a presenta varios mocion pa sirbi interes di nos isla y nos hendenan. E mocionnan presenta te na e momentonan aki ta relaciona cu vivienda social pa nos grandinan y esnan cu limitacion, vivienda pa esnan cu handicap multiple, pa tin mas polis, un gevaren-premie pa esnan cu ta risca nan bida tur dia na bienestar di Aruba, bin cu un Sistema confiabel di rijbewijs, mayor atencion pa e sector social, pa logra yega na un mihor directiva pa Parke Nacional Arikok y pa esnan cu a cumpli cu nan castigo cera den KIA por logra haya un carta di Buena Conducta ora ta aplicabel.

Bayendo un poco mas den detaye por mencion aki con cada un di e mocionnan aki ta urgi Gobierno pa haci, asina comunidad por ta na altura con e dos parlamentarionan di POR sosteni pa e otro fraccionnan den coalicion ta boga pa logra un mihor futuro pa nos isla y nos ciudadanonan.

A urgi gobierno pa haci e tramitenan necesario pa e casnan bashi di e Centro di Cuido na Palisiaweg na San Nicolas por wordo poni disponibel den e menor

termino posibel di tempo pa por sirbi como vivienda pa esnan cu handicap multiple.

A urgi gobierno pa evita cu e problemanan entre e trahadornan y e actual directiva di Parke Nacional Arikok sigui aumenta y tuma e pasonan necesario pa por logra un directiva cu por conta cu e sosten di gobierno, sindicato y trahadornan y cu tabela pa e bienestar di Parke Nacional Arikok.

A pidi gobierno pa den e plannan di construccion di 200 vivienda social of popular inclui un porcentahe di 15% di e total specialmente pa nos grandinan y pa personanan cu limitacion.

A urgi gobierno pa den e menor termino posibel yuda implementa e Defensor di Pueblo y Defensor di Mucha, mientras cu ta reforza, Departamento di Asuntonan Social pa por brinda mas asistencia na famianan den necesidad, ta reforza e posicion di centronan di bario como pilar di convivencia den nos comunidad y ta reforza e Multi-disciplinair Centrum (MDC) pa porduna mas asistencia na muchanan cu problemanan di comportacion.

A pidi gobierno pa studia e posibilidad pa esnan cu a sinta un castigo di por lo menos dos aña y cu a demostra un bon conducta durante nan castigo por haya un documento cu ta demostra nan bon conducta,

pa por solicita y bin na remarke pa haya trabao den areanan predetermina.

A urgi gobierno pa haci e estudionan necesario pa mira e posibilidad di haci uzo di e aplicacion CAS (usa pa Registro Civil) pa trahamento di rijbewijs y di e forma aki sigura e confiabilidad di datonan di e persona pa mantene e nivel di confianza di e document aki tanto local como internacional.

A pidi gobierno pa bin cu un 'Gevaren- Premie' pa luna riba salario di esnan cu ta cay bao categoria di Algemene Opsporingsambtenaar y di esnan cu ta cay bao categoria di Bijzonder Opsporingsambtenaar, Douane Recherche, Personal di CEA den KIA y Bewakers di KIA den e menor tempo posibel.

A urgi gobierno pa mira e posibilidadnan pa recluta mas polis y promove entre

nos hobennan e estudio pa bira polis y asina amplia nos Cuerpo Policial logrando e meta di tin mas polis riba caya.

Awe dialuna lo continua cu tratamento di presupuesto y pueblo por ta sigur cu fraccion di POR lo presenta mas mocion teniendo na cuenta interes di cada ciudadano cu ta biba riba nos isla.

TEMPORALMENTE POR KEDA PAGA ABONNEMENT CASH



Solo di Pueblo ta informa tur su abonadonan, cu por sigui paga "CASH" tambe pa e servicio di abonnement. Ta di compronde cu no ta tur persona por paga via di banco.

E unico cambio cu tin, ta e hecho cu ta stop di tuma check.

Sinembargo, pa eficiencia, esnan cu ta desea di paga via banco, por haci esaki via nos cuenta:

SunMax Printing
RBC 100152447
Sta. Cruz 110
Gerencia

Minister Glenbert Croes:

Nos kier inculca balor y amor unda antes a reina negligencia y indiferencia

Ministerio di Asunto Social y Labor a organiza un bunita mainta pa nos hendenan super special cu merece y tin derecho riba nos máximo atencion.

Desde cu Minister Glenbert Croes a asumi su encargo Ministerial, el'a cuminsa ta bishita tur stakeholder pa busca cooperacion entre sector publico y priva pa yega na solucionnan duradero y sostenibel pa esnan mas vulnerabel den nos comunidad, cu ta nos muchanan. "Ta kibra mi curazon djis pensa cu tin mucha cu ta bay school sin come. Den e era cu nos ta aden esaki ta pa mi inaceptabel por lo cual ta mi meta crea un solucion permanente pa e problema aki", tabata Minister su palabranan.

Esey ta momento cu su Ministerio a haya e encargo pa cuminsa sondea tur posibilidad y pa Minister su sorpresa e idea aki a haya tremendo recepcion. Tur stakeholder ta realiza cu hunto so nos por logra un solucion permanente pa nos crisis social den su totalidad.

Mientras cu ta trahando riba eheccion di e plan di Minister pa tur mucha na school por haya desayuno tur mainta, Glenbert Croes kier a brinda nos sectornan special den nos comunidad un extra atencion, esaki despues di a bishita e diferente instancianan. Ta varios sector social a carece di e apoyo necesario. Ora nan tabata pidi pa ayudo, nan no tabata haya oido. Y e eventonan aki ta pa demostra na nan cu awor si nan por conta cu e apoyo y sosten cu nan mester pa nan por sigui



brinda cuido y atención na esnan cu mas mester di dje.

Mescos cu recientemente nos grandinan a haya un almuerzo cu show y canto auspacia pa Barceló, diahuebs y diabierna ultimo nos hendenan superspecial a haya almuerzo y musica en vivo di Rusty, auspacia pa Manchebo Beach Resort. Nos hendenan diahuebs a goza di nos Minister President su presencia. Diabierna tabata Minister Glenbert Croes kende a goza hunto cu nan.

Manera por mira riba reportaje fotografico, nos hendenan a baila y canta na gusto. "Esaki a yena mi curazon cu hopi satisfaccion di por tabata tin e honor di por ofrece un mainta diferente na nos hendenan cu mi ta spera keda trece hopi alegria den nan curazon. Nos kier inculca balor y amor unda antes tabata tin negligencia y indiferencia", minister Glenbert Croes a termina.

MOMO

Tires

185/60R14
~~69⁹⁹~~ **49⁹⁹** AWG

185/60R14
~~92⁹⁹~~ **75⁹⁹** AWG

205/55R16
~~123⁹⁹~~ **98⁹⁹** AWG

225/45R17
~~164⁹⁹~~ **129⁹⁹** AWG

17" WHEELS + TIRES
~~1999⁹⁹~~ **499⁹⁹** AWG

239⁹⁹ AWG

NEW ARRIVALS

THE ONLY STORE WITH NITROGEN SERVICE

TURN IN THIS FLAYER FOR **FREE MEMBERSHIP**

ALL TO CAR

📍 LG SMITH BLVD 114
☎ 744.59.07

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

Plan van Aanpak tambe a drenta den funcion inmediatamente:

Acuerdo Unidad di Mensenhandel y Mensensmokkel firma awe



E acuerdo di e lantamento di e Unidad Mensenhandel y Mensensmokkel a wordo firma na Oranjestad pa Minister di Husticia, Seguridad y Integracion, Procurador-General di Aruba, Alto Comisario di Polis y Comandante di Koninklijke Marechaussee.

E creacion di e team especial aki di Recherche ta forma parti di e Plan van Aanpak Integral di Aruba pa combati mensenhandel y mensensmokkel pa e periodo di 2018 te 2011, cual tambe a wordo lanza oficialmente pa e Minister di Husticia, Seguridad y Integracion.

UMM

E Unidad di Mensenhandel y Mensensmokkel (UMM) ta bao guia di un fiscal di husticia y a wordo lanta na 2017 como unidad di investigacion operacional. Tanto Ministerio Publico, como Cuerpo Policial di Aruba y Marechaussee ta forma parti di dje. UMM ta enfoca penalmente riba mensenhandel y mensensmokkel y tin (entre otro) como meta pa:

investiga y persigui sospechosonan elimina organizacionnan criminal y bay tras di corientenan ilegal di placa acumula y comparti informacion tocante mensenhandel y mensensmokkel kita capital criminal procedente di mensenhandel y mensensmokkel. Pa cu esaki UMM ta traha hunto cu Afpakteam.

Exitonan



UMM a logra varios exito caba desde cu el'awordo lanta aña pasa. Desde e tempo ey 7 caso di mensensmokkel a bay Corte. Na e momento aki tin 3 investigacion di mensenhandel andando.

Operacion Libertad

Na inicio di April 2018 UMM a forma parti di un accion hopi grandi multidisciplinario di mensenhandel yama "Operacion Libertad" bao guia di e coordinador nacional di mensenhandel. Varios departamento a forma parti di e accion aki, entre nan Ministerio Publico, Cuerpo Policial di Aruba, Kustwacht di Aruba, DIMAS, Marechaussee, DAO, DVG, FIOT, Marina Real y Oficina di Victima. E accionnan penal/ administrativo a dura 4 dia largo y a tuma lugar tanto riba lama como riba tera.

Riba lama tabatin controlnan conoci como "100% controles" na lugarnan na costa di cual ta conoci cu ta trafica cu hende ey y na companianan di watersports. Riba tera tabatin controlnan entre otro, na un restaurant, un sitio di construccion, hotelnan y algun joyeria y un possible burdel ilegal.

Unico den region

E accion multidisciplinario aki ta pas den e Plan van Aanpak Integral cu a wordo firma pa bringa mensenhandel y mensensmokkel y ta unico den nos region.

Bao guia di un experto riba tereno di mensenhandel/ mensensmokkel cu ta traha pa Ministerio Publico di

Aruba, a bin cu Plannan van Aanpak Integral pa Curaçao, Sint Maarten y Islanan BES, mirando cu e experto di Aruba ta coopera cu e paisnan aki tambe.

Den e Plannan van Aanpak aki cu a traha pa e otro paisnan, ta describi (entre otro) con



necesario ta pa e varios instancianan di gobierno coopera cu otro. Na Aruba e cooperacion aki ta funciona pa basta tempo caba den forma di e Taskforce Mensenhandel/ Mensenhandel. Durante e accion Operacion Libertad a keda comproba un biaha mas cu e cooperacion aki na Aruba

ta bayendo hopi bon mes y ta masha valioso.

Bringa mensenhandel y mensensmokkel tin prioridad halto pa Pais Aruba y pesey e Procurador-General a firma e liña di maneho nobo riba e tereno aki.

FOR SALE



Special Price AWG 40.000 Pa mas info 738-0101



Nos a drenta un siman pisa unda mester atende cu e crisisheffing pa corigí e desaster grandi cu AVP a laga atras

Parlamentario Endy Croes ta splica cu e siman aki lo bay ta un siman pisa. Durante e siman aki presupuesto 2018 mester wordo aproba pa asina e cana su caminda y bay Gobernador pa wordo formaliza den cuadro di palabacionnan prome cu 30 di April 2018. Sr. Croes ta splica cu no ta un decision facil pero despues di a sondea tur manera, mester conclui cu mester bin cu un crisis heffing temporal. Momento cu Coalicion a tuma over e gobierno 17 di November 2017 a cuminsa haya mesora e prome señalnan di cuentanan gigantesco cu na e momentonan ey no tabata wordo paga. AZV, ATA, Comerciantenan cu a brinda servicio na gobierno y asina por sigui menciona. Mester a bay parlamento pa aproba un prestamo di 130 MIYON

florin pa paga cuentanan habri y placa cu AVP a malgasta durante campaña. No mester lubida cu Mike Eman a festeha su cumpleaños riba e brug y a book esaki pa pueblo paga un total di Afl.142 mil florin riba un solo anochi. Un homber chikito cu un salario minimo di Afl.1700 florin pa luna mester traha 7 año largo pa alcanza e suma di Afl.142000 florin. Si nos papia di e debe nacional cual na 2008 tabata 41.7% di GDP di acuerdo cu rapport oficial di Banco Central, esaki a redobla den 8 año danki na e maneho irresponsabel di AVP y a alcanza 93% di nos GDP. Esaki kier meen cu di cada florin cu drenta caha di gobierno mediante belasting, 93 cent ta comprometi pa paga debe y gobierno actual mester haci milager cu e 7 cent cu ta resta pa paga tur



empleado y rond pais Aruba.

Un mision imposibel cu AVP a laga atras. Coalicion a hereda un desaster nunca bisto. No obstante esaki a traha un plan

pa rescata Aruba y saca nos pais for di un abismo y rand di bancarota. E compromiso y nos FE ta grandi y cu e boluntad di pueblo nos lo percura den e proximo 4

añanan di Coalicion pa sana Aruba y trece bek e felicidad den curazon di nos hendenan. Siman pisa den porta pero e ta pa e causa mayor y e causa comun.

Den cuadro cu tratamiento di ley di presupuesto 2018 den parlamento: Parlamentario Daphne Lejuez a trece algun punto dilanti relaciona cu labor

E parlamentario ta bisa cu mirando cu un di e metanan di e gobernacion ta pa elimina e 'red tape' of burocracia, y cu den diferente raport internacional manera IMF a menciona cu un di e desafionan ta pa modernisa/flexibilisa e mercado laboral, "mi lo ta desea di sa minister di labor su maneho pa cu esaki", parlamentario Lejuez a expresa.

Seguro pa desempleo

Na Suecia por ehempel, ta haci uzo di un seguro pa desempleo. Den e forma aki tin mas flexibilidad den e mercado laboral pa tanto trahador como dunador di trabou. Nan ta haya mas espacio pa sondea e mihor trabou y trahador. Desde su introduccion na Suecia, e seguro pa desempleo a hiba

hustamente na un reduccion di desempleo. Y den caso cu un persona ta keda sin trabao pa casi un año por keda cobra entre 70-80% di su ultimo salario. Tambe e organizacion cu ta provee seguro ta percura pa e persona desemplea por haya bijscholing pa asina por sigura un trabou mas lihe. Lejuez: "Esaki lo por ta algo cu minister por considera?"

Trabou deeltijds

Trabou 'deeltijds' tambe por ta un opcion pa por aumenta cupo di trabou y kisas inclui studiantenan, mamanan soltera of pensionadonan cu ta interesa den traha part-time na un forma structura. Parlamentario Lejuez a puntra kico ta minister su vision pa logra flexibilisa/modernisa e mercado laboral, y asina crea mas espacio y cuponan di trabou



como tambe haci e mas facil pa trahadornan y dunador di trabao por haya e miho match. Tambe a puntra kico


ta minister su vision pa trabao di deeltijd, y kico e mandatario encarga cu labor ta wak como posibel retonan

den e mercado laboral pa por logra mas empleo pa esnan desemplea na e momentonan aki.

Minister Xiomara Ruiz-Maduro:

Relaciona cu celebracion di Dia di Trahador Administrativo y Secretaria na Colegio EPI:

MINISTER XIOMARA RUIZ-MADURO A DUNA UN DISCURSO CAMINDA EL'A INSPIRA Y CONCIENTIZA E STUDIANTENAN PA NAN CARERA PROFESIONAL



Siman pasa Minister di Finanzas, Asuntonan Economico y Cultura, sra. mr. Xiomara Ruiz-Maduro a bishita Colegio EPI Sector Economia p'asina duna un discurso en conexcion cu celebracion Dia di Trahador Administrativo y Secretaria.

E meta di e celebracion aki organiza pa EPI Sector Economia ta pa concientiza nos studiantenan riba kico ta e puntonan cardinal pa nan carera profesional di futuro. E lema cu a wordo usa ta "You can count on me".

Minister Ruiz-Maduro a hiba su discurso na unda dilanti un auditorium completamente yen cu estudiante di e Sector Economia, caminda el'a inspira y concientiza e

studiantenan pa nan carera profesional. E mandatario a comparti su experiencia como estudiante, e esfuerzo y sacrificio cu el'a haci pa logra su estudionan te cu logra esun universitario.

Studiantenan di Enseñanza Profesional Intermedio den nan estudio ta ser prepara pa nan tin un base fuerte pa por drenta Mercado laboral como tambe si e estudiante ta desea di continua su estudio mas avanza.

Un mainta bon organiza pa docentenan di EPI Sector Economico cu despues a continua cu diferente tayer pa e studiantenan haya un mihor bista den nan carera profesional.



Minister President Evelyn Wever-Croes na Washington DC REESTABLECIENDO CONFIANSA DEN ARUBA



Fin di siman pasa Minister President Evelyn Wever-Croes tabata na Washington pa reunionnan cu State Department, IMF y Worldbank. Durante e reunion

tabata central pa cuminsa reestablece confianza bek den Aruba, especialmente riba e tereno financiero.

No ta un secreto cu e mal maneho financiero di gabinetenan di Mike Eman a causa Aruba hopi daño. Durante e prome biahe pa Washington di nos Prome Minister, e mision tabata pa introduci nos Prome Minister na autoridadnan Mericano y pa reestablece confianza den Aruba.

Tabata un placer pa na final di e reunionnan scucha di ehecutivonan di entre otro IMF cu nan tin confianza atrobe den Aruba y su Gobierno. Na prome luga pasobra Prome Minister Evelyn Wever-Croes ta un fiscalista y tin dominio di belasting, cual ta crea un base di confianza

serca e institutonan cu e Gobierno ta determina pa atende cu e temanan financiero di berdad.

Pero mas importante ta cu IMF tin confianza den e Gobierno nobo di Aruba pasobra esnan cu awe ta Minister ta papiando e mesun idioma tempo cu nan tabata den oposicion y a cuminsa tuma pasonan significativo pa atende cu e problemanan financiero di nos pais.

CITGO Y VENEZUELA

E tema di refinaria Citgo y e situacion na Venezuela tambe a wordo trata na State Department. Di parti di autoridadnan Mericano a demonstra nan preocupacion pa cu e situacion aki y a keda palabra cu lo sigui monitorea e situacion hunto. Mescos cu Aruba, autoridadnan Mericano ta sigui di serca e pasonan di e refinaria. E sancionnan

cu Merca a impone riba e refinaria ta medidanan severo cu a afecta Aruba tambe, sinembargo un biaha mas a bira obvio cu ta trata di un situacion cu nos no por controla.

Importante ta cu Minister President a trece padilanti e interes di Aruba pa di un banda desaroya su economia pero na mes momento mester ta hopi alerta cu nos no ta atraendo inversionnan dudoso. E esfuerso aki ta conta cu sosten di State Department tambe, cu lo haci di su banda pa Aruba por atrae mas inversion Mericano den futuro.

Riba tur tereno mester bisa cu Minister President Evelyn Wever-Croes cu e biahe aki pa Washington, a crea confianza y speransa bek den Aruba.

Aruba Softball Bond ta anucia cu Liga Especial HEINEKEN

Ta ranca sali diahuebs awor cu 4 pitcher proficional internacional



Despues di simannan largo di preparacion Aruba Softball Bond ta anucia cu e promer campeonato di Liga Especial HEINEKEN ta kla pa ranca sali diahuebs awor riba veld

di Flatstone. Un total di 5 equipo esta 4 equipo miembro di ASB mas e pre seleccion cu lo ta biahando den luna di juli lo bay ta batayando contra otro. Idea inicial ta pa e pre

seleccion ricibi suficiente wega di preparacion mientrastanto tur bateadornan tanto di pre seleccion pero tambe tur atletanan cu ta participando costumbracu

e velocidad y movimiento di lansamentonan internacional y hunto nos eleva e nivel competitivo. Atletanan cu por participa mester ta atletanan miembro di ASB. E 5 equiponan cu lo ta bay ta compitiendo den e systema di double header pues tur fecha Bo lo hunga dos wega tras di otro lo ta Spuiters, Balashi, Macuarima, Piratas y Pre Seleccion. Pitchernan internacional Eudomar Toyo, Andres Cantillo, Jesus Enrique Leal Becerra ta entre esnan cu ta yegando diaranson Aruba. Cada equipo

local lo ricibi un pitcher internacional. Pitcher nan internacional por lansa maximo 7 inning den dos wega y asina stimula e local tambe pa por lansa. Ademas lo traha durante siman dunando clinics na tur pithernan cu ta interesa pa desaroya. E Liga Especial aki lo inicia 26 di April y lo termina 30 di Mei. Pues diahuebs awor pa 715 Macuarima lo ta enfrenatando Pre Seleccion na veld di Flatstone mientras e segundo wega ta riba schedule pa inicia 9pm. Fanaticada por pasa aprecia y sera conosi cu Liga Especial HEINEKEN.

E PROFETANAN DI DIOS NA MUNDO, TA PONIENDO E SEYO DI DIOS Ariba Frenta di ESNAN ESCOHI, PROME CU E PURIFICACION DI MUNDO SOSODE

E mundo actual ta bay pasa den pruebanan hopi grandi, na unda cu desasternan y calamidadnan lo bay sosode p.e. temblornan, tsunaminan, inundacionnan, vulkaannan lo bay activa, lo no tin cuminda, lo tin violencianan y hopi mortonan, persigicion di Iglesia y e tercer guerra mundial lo cuminsa, hunto cu e purificacion di mundo. Tur esakinan ta bay sosode y ta sosodiendo caba na diferente partinan di mundo segun e profecianan. Dios tin Su profetanan na mundo, pa nan trece Dios Su mensahenan di advertencia, di spiertamento, di preparacion y tambe pa pone e seyo di Dios ariba frenta di esnan escohi. E seyo di Dios ta significa, cu e nomber di Dios Tata, di Dios Yiu y di Dios Spirito Santo ta wordo poni ariba frenta. E seyo ta un Crus briyante ariba frenta cu lo wordo poni pa e profetanan spiritualmente cu nan man y nada lo no sosode na esnan cu tinele den e temponan dificil cu ta bini. Tambe na esnan cu tin e seyo di Dios ariba nan frenta, nan lo wordo tuma den e rapto prome cu e purificacion di mundo, cu ta e tres dianan di scuridad. Un Obispo of un Pastoor di Iglesia no por pone e seyo di Dios ariba frenta di hende, ta solamente e

profetanan cu Dios ta escohe, ta nan tin e mision di Dios pa haci esaki y ningun otro personanan no por haci esey. Bijbel Apocalipsis 22: 6, Apostel Huan ta revela: "E ora ey mi a tende cu tabata bisa mi: E palabranan aki ta berdad y confiabel. Senjor Dios cu ta inspira e profetanan, a manda Su angel pa musta Su sirbidornan loke mester sosode pronto." Bijbel Apocalipsis 7: 1-3, Apostel Huan ta revela: "Despues mi a mira cuatro angelnan para na e cuatro skinanan di mundo, nan tabata retene e cuatro biontonan pa no supla mas ariba tera, ni ariba lama y ni na e palonan. un otro angel a bini di pariba hibando e seyo di Dios bibo y a grita cu un bos poderoso na e cuatro angelnan cu ta autorisa pa haci danjo na e tera y na lama: No haci danjo na e tera, ni na lama, ni na e palonan, prome cu nos pone e seyo ariba frenta di e sirbidornan di nos Dios." Bijbel Apocalipsis 9: 1-6, Apostel Huan ta revela: "Ora e di cinco angel a toka e trompet, mi a mira un strea cu for di cielo a cay ariba tera. A duna e strea e yabi di e pos di abismo. Ora a habri e pos aki, a sali un huma manera di un forno inmenso, cu a obscurece e solo y e aire. For di e huma aki a sali dalacochinan cu

a plama ariba tera. Nan por causa e mesun danjo cu un scorpion di tera. A ordenanan pa no haci danjonan na yerbanan di mondi, ni na matanan, ni na palonan, sino solamente na e hendenan cu no tin e seyo di Dios ariba nan frenta." Esaki lo socede den e tres dianan di scuridad cu ta biniendo y no falta mucho mas. E angel lo baha for di cielo y lo e habri e pos di fierno y tur e demonionan den tur sorto di forman horibel lo sali y ataca na tur esnan cu no tin e seyo di Dios ariba nan frenta. E profecianan aki lo sosode hunto cu e tercel guerra mundial. Tur esnan cu tin e seyo di Dios ariba nan frenta, nan lo wordo tuma den e rapto prome cu e tres dianan di oscuridad. Bijbel Apocalipsis 14: 1-2, Apostel Huan ta revela: "Mi a mira E Lamchi para ariba sero di Sion, E tabata hunto cu e 144.000 mil hendenan cu tin Su nomber y e Nomber di Su Tata scirbi ariba nan frenta." E 144.000 mil personanan aki, ta esnan di tur parti di mundo, cu a acepta e mensahenan di Cristo-Hesus y di Mama Maria den aparicionnan, nan cu a prepara nan mes spiritualmente y cu a acerca e profetanan (videntenan) pa nan por ricibi e seyo di Dios ariba nan frenta. Ta solamente

e profetanan escohi pa Cristo-Hesus, anan so por pone e seyo di Dios ariba frenta di esnan cu ta kere y ta acepta. Na tur esnan cu a ricibi e seyo di Dios ariba nan frenta, nan mester keda den un estado di gracia sin ningun pikanan grandi. Aki na Aruba tambe tin un profeta cu Cristo-Hesus a escohe pa henter Caribe na anja 1998 y su nomber ta, Senjora Valerie Perez (mihor conoci, Vidente Valerie). Na tur esnan cu kier encontra cu Vidente Valerie, pa nan por ricibi e seyo di Dios ariba nan frenta, nan por acudi tur diasabra ariba e tereno di oracion na Koyari pa 8.00 di anochi, despues di e oracion di Santo Rosario Vidente Valerie ta atende tur hende. Tambe Vidente Valerie ta presente tur 25 di luna ariba e tereno na Koyari, pa 8.00 di anochi y despues di e aparicion di Mama Maria, Vidente Valerie ta disponibel pa atende tur hende cu kier ricibi e seyo di Dios. E adres di e tereno bendiciona na Koyari ta, Koyari 13-B. E ta keda, banda di Empresa Italo Arubano bin ariba y e tereno ta keda na man drechi na unda cu tin un Kapel. Pa informacion por yama tel.: 5870048 / 5872956, Cel.: 5931157 / 7433168
Un mensahero di Dios.

'Arubaanse Voetbal Bond ta anuncia representantenan di Aruba na e 'Football for Friendship' Children's Social Program na Moscow Russia Juni 2018'



Football for Friendship ta un Children's Social Program organisa pa FIFA y UEFA. Pa prome biaha 4 representante

di Aruba lo participa na e evento anual di Football for Friendship. Nos a haya invitacion pa por manda 2 Young Ambassadors di 12 aña y dos Young Leaders pa guia nan. Nos delegacion ta consisti di Young Football Player cu ta Jahmani Eidsen, Young Journalist cu ta Sheqayli Ascencion, Coach cu ta Edgar Erasmus, y Head of Delegation cu ta Monique Ras.

E programa aki no ta solamente pa e muchanan desaroya nan mes den futbol, pero tambe pa promove pa biba mas saludabel y pa e muchanan di diferente paisnan por ta mas mente habri pa entre otro transmiti, pasa e mensage di Amistad, Igualdad, un mihor bida saludabel, y un miho medio ambiente. Un total di 211 pais ta participa e aña aki na Football for Friendship y ta bai tin diferente actividad durante 8 dia, entre otro e Football

for Friendship World Championship unda Jahmani Eidsen nos Young Football Player lo representa nos y tur esaki ta wordo reporta pa nos Young Journalist Sheqayli Ascencion.

Den cuadro di participacion na e programa mester organisa diferente evento y duna exposure con Aruba ta promove e programa, y e prome evento "Penalty Shoot-Out" pa teamnan U13 miembro di AVB, un evento cu ta den cuadro di e celebracion "International Day of Football and Friendship, unda lo tin intercambio di armband hasi pa e hungadornan, e armband ta simbolo di Amistad di e programa Football for Friendship. Tur esaki ta tuma lugar diaranson awor dia 25 di April 2018 na Compleho Deportivo Franklyn Bareño di 5or di atardi pa 7or di anochi.

Estrella y La Fama ta parti punto den un wega hopi competitivo



E prome wega di siman 17 tabata entre SV Estrella y SV La Fama. un wega cu poco importancia realmente ya cu Estrella ta clasifica caba y La Fama ta practicamente destina pa hunga play-off di promocion-degradacion hunto cu Caiquetio y dos otro ekiponan cu clasifica for di 'Division Prome'. No cabe duda cu Estrella tabata superior riba tereno, pero La Fama a duna nan bataya! Na cuminsamento ya Estrella a tuma iniciativa, nan gol a yega tempran na di dos minuut caba pa medio di Joel Geerman. La Fama toch a responde di biaha y hopi bon mes na minuut 9 caba e gol di empate a cay for di pia di Davidson Kaarsbaan pa hasi e wega 1-1. Estrella a sigui ataka y a hunga nan wega cu hopi iniciativa y control, pero den dado momentonan a laga La Fama drenta den nan wega di contra-golpi. Asina mes cu e wega a keda cu Estrella den mas posesion di bala y atakenan di calidad y peligro, sin duda, pero sin por a concretisa apesar di asina hopi labor, ademas tambe di a laga espacio habri pa La Fama su wega di counter, e homber clave den defensa y hasta tin biaha den atake di Estrella, Francois Croes, tabatin su man yen den e wega aki. Por a nota tambe cu e 'naranjadan' di Santa Cruz' a hunga

tambe sin David Dubero den defensa, Baromeo den medio-campo den e prome mita, y tambe sin e "sparkplug" den atake, Novianel Naar, cu no tabata ni riba banki. Ta berda cu Estrella ta un ekipo profundo y esaki ta nan chens pa experimenta cu diferente hungadonan, nan enfoka ta 'equipo riba individual'. E wega den e prome tempo domina pa Estrella, cu hopi chens nan di gol perdi tabatin tambe cu deal cu e factor 'portero' pa La Fama, nan homber bou e tres palonan, Gilbert Bautista, tabate e razon cu e wega a bay aden 1-1 na halftime. E di dos tempo Estrella a cuminsa hunga hasta mas skerpi despues di e ingreso di Pheadrick Baromeo, cu a duna Estrella mas precision. Atake tras atake cu un dominio significativo, pero La Fama a sigui ta wanta duro y nan portero Bautista a sigui cu su salbadanan clave y den algun ocasion hasta spectacular. La Fama tambe den transcurso di e di dos mita tabatin chens, menos cu Estrella, pero chens toch, den un wega competitivo, bastante habri y por cierto hopi sportief. Estrella nunca no a baha intensidad, nan pressing tabata di alta calidad, La Fama tabata honesto cu nan wega, pero ningun ekipo no a domina e medio campo realmente, Estrella a press halto pa

intercepta bala y keda den atake y La Fama a hunga un bon wega di contra-golpi. Asina e wega a sigui te cu e pitazo final, Estrella cu hopi chens, hasta tres tiro riba palo di gol den e wega, tremendo salbadanan di e portero di La Fama, nan no por

a concretisa, un victoria lo tabata mereci si. La Fama asina ta saka un bon resultado, mas bien un "fogeo", preparando pa e play-off di promocion-degradacion den futuro cercano, pero hungando asina na e nivel aki, nan chens pa keda den division di honor ta hopi bon mes. Nos 'man of the match' sin duda tabata Gilbert Bautista di La Fama, un

prestacion solido pa yuda su ekipo cu e resultado aki. Estrella ta keda cu 36 punto riba tabla, awo den di dos luga tras di Dakota pero ya ta clasifica pa play-off, mientras cu La Fama ta suma 17 punto y lo keda den e di ocho luga riba tabla cu un wega mas pa hunga den e campeonato.

OFERTA ESPECIAL 150 AWG

BO TIN BO PAREHA? SI, WEL LAGA NOS TIN UN DUSHI TERAPIA PA BOS. NOS TIN EXFOLIACION PA TUR TIPO DI CURPA. NOS TA HASI LIMPIESA DI CARA Y HIDRATASHON.

**PASA SERKA NOS NA
CUQUISASTRAAT 28 PONTON
OF YAMA NA
5683615 OF 5661144**



RCS ta bons bek pa gana Jong Aruba 4-3.



Diabierna 20 di April 2018 a tuma lugar den Compleho Deportivo Franklin Bareño na Piedra Plat e wega entre Racing Club Savaneta contra di Jong Aruba Division 1 Grupo B.

E equipo di RCS actualmente ta na di 2do lugar riba e standing den grupo B y Jong Aruba ta ocupa e di 5 lugar riba standing.

E equipo di RCS ta logra habri e marcador tempran na comienso di wega pa ser exacto na di 3' di wega pa medio di Gustavo Marchena

#10 pa bai ariba 1-0.

Na di 28' di wega ta e mes un Gustavo Marchena #10 ta logra amplia e score na 2-0.

Julio Parra #10 riba su camiseta ta logra score un gol pa su equipo Jong Aruba pa asina corta ventaha na 1-2 na di 35' di wega.

Nos mester bisa den e prome 45' nan di wega ambos equipo a sa di pone basta preshon, ambos equipo a haja diferente bon chens pa anota pero no a probecha.

Den e di dos parti di wega e equipo di Jong

Aruba a baha rabia y a

pone hopi preshon riba su contricante cu a cai full den defensa y nan a sa di probecha y na di 51' di wega Juan Cañas #7 ta logra score un tremendo gol di takonaso cu ta desvia e bala fuera di alcance di e portero di RCS y ta empata e wega na 2 gol pa banda.

Jong Aruba ta sigui preshona y na di 56' di wega ta Juan Cañas #7 ta bolbe score pa bai ariba 3-2.

Despues di esaki e equipo di RCS ta reaciona y ta cuminsa forma algun atake peligroso riba e arco


di Jong Aruba y ta Aldon Goeman #7 riba su

camiseta ta logra score e gol di empate na di 65' di wega

despues cu nan ta haja un tiro liber y ta manda un fusil fuera di alcance di e keeper di Jong Aruba.

Ambos equipo ta sigui preshona y ta e equipo di RCS pa medio di Jean Duniol #2 ta logra score e gol di victoria pa ser exacto na di 72' di wega. E equipo di Jong Aruba ta sigui preshona y na e minuut nan final ta los un tremendo tiro riba gol di RCS cu casi nan a logra empata e wega.

Score Final RCS ta gana Jong Aruba 4-3.





Proyecto di archivo "Boy Ecury"



96 aña pasa, ariba e fecha di 23 di april 1922, Segundo Jorge Adelberto Ecury (mihor conoci como "Boy") a nace na Aruba. Recordando su fecha natal, Amigonan di Archivo (ADA) kier tuma e momento aki pa pone pueblo na altura tocante un proyecto archivístico andando over di Boy su bida y e documentacion di esaki. Pa hopi aña caba Archivo Nacional Aruba (ANA) tawata

ricibi documento di famianan di Boy Ecury, incluso di su mayornan, kendenan a warda entre otro varios carta y potretnan di tempo di Boy su infancia na Aruba y su bida durante e añanandi guera na Hulanda.

Como cu 2018 a wordo nombra "Jaar van Verzet" ("Aña di Resistencia") den contexto di recorda e historia di SegundaGuera Mundial na Hulanda, ADA a



pidi y a ricibi fondo di e fundacion "vFonds" (Het Nationaal Fonds voor Vrede, Vrijheid en Veteranenzorg) cu ta percursa pa fondo pa proyectonan relata na paz, resistencia y veteranonan na nivel di reino. Esaki a culmina den e proyecto "Registracion di material di Boy Ecury y su uzo pa publico en general", den cuadro di cual durante di e aña aki lo percursa pa haci e coleccion na ANA accesibel pa publico. Cu e fondo adkiri e coleccion por wordo inventarisa, restaura y digitalisa.

Tambe ta compila un inventario di tur sorto di documentacion, artefacto y monumento cu tin di haber cu Boy Ecury den forma directo of indirecto. E resultado di e investigacion aki lo wordo publica den un guia di investigacion. E guia aki lo ta accesibel pa publico en general, pero tambe specialmente pa scol y demas instancianan relaciona cu enseñansa. ADA lo sigui duna mas informacion durante desaroyo di e proyecto. Por sigui ADA riba nan pagina di Facebook pa keda na haltura di e.o e proyecto aki.

Ademas ta en busca di tur sorto di documentacion, artefacto y monumento cu tin di haber cu Boy Ecury. Si bo persona tin algo cu bo ta pensa lo ta interesante y/of relevante, tuma contacto libremente cu nos. E proyecto ta wordo coordina pa Daniella Britt bou di guia di ANA. Pa cualkier pregunta y informacion por tuma contacto cu Sra. Britt na 5628884 of daniellabritt92@gmail.com of fundacion.ada@gmail.com.

JAYSANNE BOUTIQUE

CLEARANCE SALE PA DAMAS REGULAR Y PLUS SIZE

- BLUSA
- SHIMIS CORTICO Y LARGO
- JEANS
- JUMPERS
- BADPAK

PA CABAYERO

- CAMISA ALF 25.-
- JEANS ALF 25.-
- DASHI ALF 5.-

Pos CHIKITO 110
584 1600

Vice Presidente di Scol di Musica Rufo Wever

Johnny Croes a Explora posibel Cooperacion cu Akademia di Musika Edgar Palm

Skirbi pa Clyde Harms



Johnny Croes, pianista, vice-president di Scol di Musica Rufo Wever y Secretario di Nuevo Mundo Foundation

Durante e fin di siman di 13 y 14 di april e dinamico pianista y Vice Presidente di Scol di Musica Rufo Wever, Johnny Croes a biaha pa Corsow pa explora posibilidadnan pa coopera cu Akademia di Musika Edgar Palm/Cultureel Centrum Curaçao. Na cuminsamento di maart Sr. Croes a ricibi un invitacion di Sra. Carolina Nicolaas, coordinador di e institutonan kende a bishita Aruba na maart 2017. Den combersacionnan cu nan tabatin e tempo nan a realisa cu e Scol di Musica Rufo Wever y e Akademia di Musika Edgar Palm tin metanan comun y cu nan tin retonan similar.

Akademia Edgar Palm tin un ensemble di cuerda "Young Strings Curaçao" pero no un orkestra completo. Un di e metanan di Akademia ta creacion di su propio orkestra hubenil. Pa Sr. Croes tambe un di e metanan ta creacion di un orkestra sinfonica hubenil na Aruba, e meta di e MOU cu Scol di Musica Rufo

Wever a firma cu Gobierno di Aruba y Nuevo Mundo Foundation. Hunto cu Sr. Clyde Harms, miembro di directiva di Nuevo Mundo cu ta coordina e tramitenan pa realisa e meta di e MOU, Sr. Croes ta busca con otronan ta haci pa yega na e mesun meta.

Despues di su reunionnan cu Sra. Nicolaas, Sr. Croes a keda intriga pa loke Akademia di Musika Edgar Palm ta haciendo y el a keda hopi contento cu e invitacion pa bay Corsow. El a scoge e fin di siman cu tabatin un presentacion di Notenkraker di P. I. Tchaikovsky, un presentacion cu ta un producto di cooperacion entre diferente grupo: Cultureel Centrum Curaçao, Kunstkring y e dirigente Hulandes Anneke Volbeda kende a bin Corsow especialmente pa dirigi e obra teatral pa mucha. E artista Curazoleño Crisèn Schorea a narra e storia y Sra. Volbeda a dirigi e e orkestra. Virginia van



E Projectorkest di Akademia di Musika Edgar Palm bou di direccion di Sra. Anneke Volbeda ta toca musica di Tchaikovsky na un presentacion di Notenkraker



Johnny Croes cu Sra. Carolina Nicolaas, Coordinadora di Akademika di Musika Edgar Palm/Cultureel Centrum Curaçao

Werkhoven, alumno di École de Danse a balia.

Si tur cos bay manera ta wordo planea, e Projectorkest Curaçao lo bin Aruba na september pa participa den un concierto y nan lo purba un actividad combina cu e alumnonan di fio y cello di Srta. Hester Matthijssen, docente di Scol di Musica Rufo Wever.

Sr. Croes ta hopi gradicido pa e caluroso recepcion cu el a ricibi di su anfitrionnan

na Corsow. E ta contento cu e por a mira con e organizacionnan cultural ta traha hunto y conoce varios actornan den e organizacionnan manera

Ilja Huang, pianista y motor tras di e creacion di e Projectorkest Curaçao. Sr. Croes ta spera cu e por logra e tipo di cooperacion aki na Aruba.

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500



Aruba Meets Europe na Hilton Aruba Caribbean Resort & Casino



Palm Beach - E evento anual AME, Aruba Meets Europe 2018 ta un evento organisa pa Aruba Tourism Authority den colaboracion cu Aruba Hotel and Tourism Association. E ta un conferencia interactivo di cinco dia cu operadornan turistico, wholesalers, y socionan

aereo, tur dedica na promociona e isla como un destinacion pa vacacion, desde Europa. Riba e di cinco dia, e conferencia a tene un mercado di turismo na Hilton Aruba Caribbean Resort & Casino den e Grand Caribbean Ballroom. E delegadonan di e conferencia a tene

nan citanan programa na e mercado, nan a reuni cu ehecutivonan local di hospitalidad y proveedornan di servicio pa hasi negoshi y fortalece e relacionnan. E Grand Caribbean Ballroom despues a ricibi e delegadonan pa un delicioso lunch buffet, cu a inclui sopi



di carni estilo Rubiano cu pica di papaya, un Martini chopped salad bar, fruta tropical fresco, diferente wraps, sandwich y sliders, y petit fours pa pasaboca. Segun e minister di turismo, un orador invita na e conferencia, mas di 90.000 Europeo a bishita nos costanan den 2017, y aunke cu Hulanda ta e hub principal pa bishitantenan, otro paisnan tambe a subi abordo, maner Alemania, Italia y Inglatera. E mercado Europeo continuamente a apoya Aruba den aproximadamente 8% di


e turismo di e isla, ya cu e bishitantenan Europeo ta keda un promedio di 11 dia riba nos isla. Riba potret por aprecia Senior Sales Managers Margo Esposito, Lily Polsbroek y Diego Garcia, cu a duna bonbini na 56 delegado di e conferencia na e hotel, cu recientemente a hasi un renobacion extensivo, preservando e caracter original di e diseño unico, y actualisando y mehorando e comodidadnan totalmente pa e bishitantenan cu gusto contemporaneo.

ELMA MATRASSEN FABRIEK

NOS TA FURA MATRAS Y BOX

BUSCA MAINTA Y ENTREGA ATARDI

YAMA NOS NA: 6611629 OF 5923344



ULTIMO WORKSHOP "BEGRIJPEND LEZEN"

(pa: alumnonan di 6de klas
di school basico)

**Dianan di training: april
13,14,20,21,27,28**

**Ora: 3:00-6:00 pm (april 13,20,27)
1:00-4:00 pm (april 14,21,28)**

**Lugar: Club Don Bosco
Docente : drs. Rudolf R.**

**KellyInformacion:
562-2119/ 594-9771/ 585-9774.**

Email: rr_kelly@yahoo.com

TOETSDAG: 3 y 4 di mei 2018

4 sale

Ta garantiza durashon di motor, transmishon
por scan e vehicle prome cumpre.

All vehicles are in super good condition
prices start at 7800 aruban fl, financing
could be posible for you



Aruba Quality Deals
Vehicle & Nautical

Star the year fresh with these top secure low mileage vehicles for your family

4 sale

Call today for a road test. 569 4343

4 sale



Montero 2007.26500 fl



Rav 4 2009 25000 fl
negosiable call today 5694343



Ford Ranger 2000 .5000fl



Vitz 2012 autm 12500 fl



Tucson 2015 36500 fl



Pontiac 2006 . 15 mil fl



Lincoln 2009 27000



picanto 2004
3500 fl



bus 2010 5500 fl

TA BUSCA

un bon auto di mas o
menos 7 mil 8 mil fls

Ta busca Toyota Yaris
pa cumpra 2010 of
2012

Yama na **5694343**

Ta busca tereno unda
cu ta pa cumpra ,
Yama na
5694343



Renault 2007
Only 9500 fl



Benz 3cyl.7500fl



Honda Crv 2016
60 mil fl negotiable iama awe 5694343



Full Fiber
25 mil fl



Honda Crv 2009
25800 fl negotiable



Jeep Wrangler
2009. 25800 fl aut, m, turbo



Pick Up V8 Ford F250 2005
25000 fl negotiable

Parlamentario Daphne Lejuez:

Preguntanan importante relaciona cu desaroyo di salubridad



Dencuadro di reunion den parlamento pa tratamento di e ley di presupuesto 2018, naturalmente a bin dilanti tambe e tema di salubridad y su retonan. Hopi biaha por scucha keho for di comunidad riba e sistema di dokter di cas. Tin ainda poco confusion riba e pregunta di ki ora un pashent ta bin na remarke pa verwijsbrief pa specialista como tambe e lista di espera largo pa yega na un specialista. Parlamentario Daphne Lejuez a toca e tema aki y a puntra minister encarga cu Salubridad con lo adresa e acceso na dokter di cas parti merdia.

Beneficio di AruBIG pa pashent
Tambe a toca riba e tema di AruBIG, un ley

recientemente reformula por medio di un comision di diferente experto riba tereno di salud. E comision cu a wordo institui ta consisti di diferente experto riba tereno di salud cu tin e tarea pa conseha minister di Salubridad con pa reformula e ley di AruBIG pa por amplia e registracion di BIG. Dunando chens na nos studiantenan cu a completa nan estudio den region, Europa y/of Merca pa por traha den nos sistema di cuido pa asina aporta na un miho calidad di cuido pa nos ciudadanonan. Parlamentario Lejuez a puntra den parlamento pa gobierno duna un splicacion riba kico AruBIG ta y con introduccion di esaki lo por beneficia e pashent.

Independisacion di AZV y servicionan di IMSAN
Den e FEM (Financieel Economisch Memorandum) ta wordo menciona cu lo traha na independisa AZV financieramente cu e meta pa asina reduci e contribucion creciente di gobierno y pa purba haci e servicio mas sostenibel. E parlamentario a pidi gobierno pa duna un elaboracion tambe riba e plannan aki. A compronde cu e proyecto di hospital nobo lo tin retraso y tambe gastonan adicional. Parlamentario Lejuez a pidi minister di Salubridad pa un splicacion di e proceso aki y tambe kico lo wordo haci pa tene e costonan aki bao control. "Ta compronde

cu esaki lo bay keda cla awor na 2020, kico tabata e fecha original cu e lo mester wordo entrega? IMSAN tambe lo cuminsa cu un plan di expansion otro siman pa un periodo di 18 luna cu un inversion di 62 milyon florin. Kico ta e servicionan cu por spera na IMSAN despues di e expansion y con e lo

yuda na mehora e servicio y alcance na servicio medico", parlamentario Lejuez a trece dilanti. Tambe a tuma nota cu lo introduci un 'klachten commissie', anto e parlamentario a puntra kico e tarea di esaki lo ta, y con esaki lo wordo consulta den caso di un disputa of keho.

Invitacion pa asisti na Fiesta di "E Santa Cruz"

Pastor Jairo Maduro di Parokia "Inmaculada Concepcion" Santa Cruz, cu sumo placer ta invita un y tur, specialmente tur parokiano, pa bin celebra e Fiesta cu ta hiba number di nan distrito: Fiesta di "E Santa Cruz". Esaki lo tuma luga riba diahuebs, dia 3 di mei pa 7:00pm bao Santo Sacrificio di misa di gradicimento. E parokia ta di fiesta! Bini cu henter bo famia pa resa pa bienestar di tur famia den parokia y henter e comunidad di Aruba. Trece bo crucifiho di cas dorna cu flor di hardin pa ricibi bendicion special.

"E Cruz di Hesus ta nos Gloria. Den Cristo nos Señor nos ta haya salvacion, bida y resurreccion." Gal. 6:14)

Masha danki y saludo cordial,
Den number di Pastor Jairo Maduro

Marcha Spiritual y Santo Sacrificio di Misa pa celebra "Dia di Obrero".

Parokia "Inmaculada Concepcion" Santa Cruz kier duna atencion na tur Trahador riba nan dia special, esta "Dia di Obrero".

"Dia di Obrero" ta un bon oportunidad pa tur esnan cu ta privilegia di tin trabou pa bin yama Dios danki pa e favor particular aki y pidi Dios yuda nos comunidad crea cuponan di trabou pa baha e cifra di desempleo pa esnan cu no tin trabou ainda haya un trabou pa mantene nan mes y nan famia dignamente.

Pastor Jairo Maduro tin e placer di invita tur Trahador y nan famia, esnan cu ta afilia na un Sindicato y esnan uniforme pa join un "Marcha Spiritual" riba

diamars, dia 1 di mei 2018 pa 8:00am. Lo sali for di Plaza di Curason Inmaculado di Maria (pariba di Misa) y termina na entrada principal di Misa "Inmaculada Concepcion". Pa 9:00am lo celebra Santo Sacrificio di Misa di gratitud, canta pa Koor "Cristal" y dedica na tur Trahador den nan encuentro cu Cristo y union cu otro. Bin cu bandera of vaandel y despues di Misa Pastor lo bendiciona esakinan. Di antemano, masha danki pa tur atencion.

Cu Paz di Señor sea semper cu boso. Saludo fraternal,

Den number di
Pastor Jairo Maduro



Tipline: 585-9500



**FUNDACION VENERABLE
JOSE GREGORIO HERNANDEZ
TANKI LEENDERT 128**



Ta invita

Nos devotonan contruibuidor y pueblo di Aruba en general pa
asisti na un Santo sacrificio di misa.
pa tur nos defuntonan y tambe pa nos gradici Dios pa tur
e fabornan ricibi

**DIA 25 Di April 2018
ORA 6.15 DI ANOCHI
LUGAR SITIO DI ORACION**

Corda trece bo misal di pueblo

Chofer burachi deteni na rotodonde Paradera



Diasabra madrugá, Central di Polis a ricibi un jamada cu tabata informa nan di un auto cu tabata core hopi irresponsable riba caminda. Di biaha di diferente distrito, patruyanan di Polis a wordo manda pa purba di logra haya y stop e auto aki. E persona cu a jama Polis a dicidi di keda tras di e auto pa asina

keda informa e polis unda e auto ta coriendoe. Via Ponton, Tanki Flip, Tanki Leendert e auto jegando rotondo Paradera, Polis a logra di para e auto. E chofer femenino a resulta basta bebi y a wordo deteni y hiba pa warda di Santa Cruz Macuarima. Aki e chofer a haya su chens di sosega su curpa.

Engravings Elegance



All types of Cemetery works, Tombstones,
Awards, Glass, Mirrors, Champagne flutes,
Marble & Granites and much more....

**Hooiberg 81B,
Tel: 586-1908/593-4757...Fb**

PRONOSTICO DI TEMPO VALIDO TE DIALUNA 23 DI APRIL 2018

COMPILA:

DIADOMINGO 22 DI APRIL 2018 17:00 (21:00 UTC)
TEMPO:

AWE ANOCHI: PARCIALMENTE NUBLA I
GENERALMENTE SECO

DEN MARDUGA I DIALUNA: PARCIALMENTE TE HOPI
NUBLA CU UN LOCALMENTE

UN AWACERO BREVE

TEMPERATURA MAXIMO 32 GRADO CELSIUS Y
TEMPERATURA MINIMO 26 GRADO CELSIUS.

SOLO LO BAH AWE NOCHI 06:53 PM Y LO SALI MAYAN
MAINTA 06:23 AM.
BIENTO: MODERA TE BASTA FUERTE FOR DI DIRECCION
OOST;

FORSA 4 TE 5 (20 TE 39 KM/ORA, 11 TE 21 NUDO)

DEN DIA FUERTE TE DURO DEN RAFAGA;

FORSA 6 TE 7 (40 TE 61 KM/ORA, 22 TE 33 NUDO)
SITUACION GENERAL DI TEMPO:

UN DISTURBIO DEN NIVELNAN MAS HALTO DI
ATMOSFERA TA PERSISTI DEN REGION I LO

INDUCI TEMPORALMENTE HOPI NUBIA DEN REGION
LOCAL. PA E MOTIBO AKI POR SPERA

LOCALMENTE UN AWACERO DEN PROXIMO 24 ORA.
CONDICION DI LAMA:

OLANAN DI LAMA LO TA FOR DI DIRECCION OOST CU
HALTURA DI 4 TE LOCALMENTE

7 PIA; E OLANAN DI MAS HALTO LO TA NA COSTANAN
OOST, NOORD TE NOORDWEST

DI E ISLA.

TEMPERATURA DI SUPERFICIE DI LAMA: 26 GRADO
CELSIUS.

FENOMENONAN SPECIAL: NINGUN
POTENCIAL DI AWACERO PA PROXIMO 24 ORA: 1 MM OF
MENOS;
REGISTRACION DI TEMPERATURA (CELSIUS) Y AWACERO
(MM) DEN ULTIMO 24 ORA:
AIRPORT MAX 32 / MIN 27 / 0.0

PRONOSTICO DI TEMPO PA PROXIMO DIANAN DI SIMAN:

LEVEMENTE TE PARCIALMENTE NUBLA I
GENERALMENTE SECO.

BIENTO LO TA FOR DI DIRECCION OOST I MODERA TE
BASTA FUERTE;

DEN DIA FUERTE TE DURO DEN RAFAGA;

TEMPERATURA MAX / MIN LO TA: 32/27

E PROXIMO BULLETIN LO WORDO PUBLICA DIALUNA 23
DI APRIL 2018 17:00 (21:00 UTC)

Resultado di Number

LOTTO MERDIA 22
DI APRIL

GATOCHI
Sorteo # 2188
4410
7131
1257
BIG 4
Sorteo # 2188
8193
1OFF
Sorteo # 244
2945
ZODIAC
Sorteo # 2188
9365
Leo

DIARIO

20 DI APRIL

1. 6813
2. 7971
3. 8169

SUPER 4

5822

CURACAO

20 DI APRIL

1. 8682
2. 7237
3. 1769

Sto. DOMINGO

22 DI ABRIL

1. 5405
2. 8905
3. 0027

PUEBLO A HAÑA SU PEN BEK

Pa kualkier informacion
solodipueblo@gmail.com
of
585-9500

TA BENDE

Store display table
For sale!
700,- florin

Si bo ta interesa
pa cumpra, por yama na

748- 8280



SERVICIO SEPTIC

Servicio di Septic Tank – Chica Pos

Yos Septic Tank

Tel: 566-6144 / 748-2689

Yos ta yega mesora y sigur!



**Pa bo
matanan**
ta berde i bunita
gordura di bon
calidad
alf 8- pa saco
grandi
cu compra di
10 saco
nos ta
delever gratis
•Tel 5926209

TA BENDE

UN AUTO
1990 Toyota
Corola blanco
Standard full
overhaul
bateria nobo
Afl 800,00
Cell:741-0123
(Ta core pone bo
number
y bai cune)

TA HUUR

Apartamento
na Seroe
Colorado. 2
kamber cu
airco / banjo /
cushina
sala comedor.
Interesadonan
por jama
5698007

TA BENDE

Pa mata nan fuerte
y berde
Gordura di
bon calidad Afl 8,00 pa
saco randi.
Nos ta deliver riba 10 saco
Pa mas info yama
592-6209

TA HUUR

Cas na Pos Chiquito
4 kamber/baño cura sera
cu hopi
lugar pa parkeer. Bon pa
oficina
of residencia. Serka di
caminda
Afl 2500,00 pa luna
Pa mas info yama
733-1201

VERF DAK

Painting
Welder
Roofing
Carpentry
All in one bon
prijs
pa mas info
yama
6309246

TA BUSCA

Security guard
masculino, edad
25-45 aña

Mester tin MAVO diploma of
equivalente
Mester por papia y scirbi
papiamento hulandes
ingles y spaño. Mester tin
propio transporte

Pa mas info por yama
entre 8am cu 4 pm
pa un cita na 5883677

JAZZ

JAZZ Piano
School

21 Buki tur
informashon
pa bira Jazz
Piano Player
pa afl 460,00.

Tin cupo
pa piano les.
Pa INFO yama
5608629

Scol di Evangelisacion Aruba

CURSO Elias,

Formando intercesornan
nobo pa un Evangelisacion
Nobo

*Pre-requisito: Isaías

*Dianan: 3-4-5-6 Mei 2018

*Lugar: Centro Pastoral (Sta Cruz)

*Mas informacion:

- Ada Werleman: 592-6838
- Mayra Croes: 565-8504
- Centro Pastoral: 585-8378

"Oracion di un hende cu ta biba di
acuero cu boluntad di Dios tin un
resultado tremendo". Hac 5;16b-18



LOTTO ANOCHI 21 DI APRIL


CATACHI
Sorteo # 6560
2059
2635
6124
BIG 4
Sorteo # 5504
1390
1OFF
Sorteo # 209
7608

ZODIAC
Sorteo # 4263
4871
Libra
KORSOU
Sorteo # 2035
4659
0901
1209

Sudoku

	7	4						
							5	
6			1		8			
	5		4			9		
	8	6	2	1				
4		9		5	3	1		
	6		3	8				7
3		1		7	4			5
	4		5			6		

LABERINTO



TA BENDE

Auto

Nissan Platina,
bauwjaar 2005
standart

pa: alf 2000,-
gekuur tot 2020

cel:
5683372

TA BENDE



"BBQGRILLS"
made in Aruba.

100-150-175-200
250-300florin.

Info:
5697787
(nos por entrega)

TA BENDE

Edificio comercial
situa na Sta Cruz,
conoci como
Rowigini's y su
complex
di apartment.



DE 50 GEBODEN VAN GOED BESTUUR (deel 22)



In deze serie afleveringen in Solo di Pueblo belicht Jan de Ruijter, vaste columnist bij Solo di Pueblo en voorzitter van Stichting Nos Ta Aruba elke week een interessant artikel over goed bestuur. Voor commentaar: janderuijter@yahoo.com en zie Facebook Jan de Ruijter

DE SCHULDIGEN AAN SLECHT BESTUUR

49. WERELDWIJD SLECHT BESTUUR

Nu u de acht principes van de participatieve democratie kent en ook 48 van de 50 geboden van goed bestuur heeft gelezen, mag u zich terecht afvragen hoe het toch in hemelsnaam komt dat er kennelijk bijna geen land ter wereld is waar goed bestuur uitgeoefend en gewaarborgd wordt. IJsland is het enige mij bekende land waar de bevolking zelf regeert en dat natuurlijk met fantastische resultaten doet. Overal elders baalt de bevolking van de wijze waarop bestuurd wordt en heerst grote

ontevredenheid. Hoe kan dat, wie zijn daar schuldig aan? Hier volgt de lijst:

1) BEROESPOLITICI

Beroespolitici staan definitief bovenaan op de lijst van hoofdschuldigen van slecht bestuur. Alle narigheden die de oliemaatschappijen, speculanten en financiële instellingen hebben veroorzaakt, zouden niet mogelijk zijn geweest met bekwame bestuurders aan het roer. Voorbeelden van slecht bestuur door beroespolitici:

a. De recente financiële wereldcrisis van 2007 is volkomen uit de hand gelopen en nooit goed opgelost door het slappe beleid van Barack Obama.

b. De schandalige, tragische oorlog in Vietnam is te wijten aan het onvolwassen, held John Wayne-gedrag van president Lyndon B. Johnson.

c. Obama is de grote schuldige aan de opkomst van de ISIS-terreur.

d. Europese beroespolitici zijn schuldig aan de mislukking van de eurodollar, de open grenzen in Europa en de onmogelijke vorming van de Verenigde Staten van Europa.

e. Beroespolitici geven ons overal ter wereld ellende. Het is treurig wat voor soort mensen er regeerden en regeren in de wereld van Richard Nixon tot Saddam Hussein, Bashar al Assad, Jacob Zuma, Robert Mugabe, Jean Bokassa, Charles Taylor, Muammar Gaddafi, Silvio Berlusconi, Margareth Thatcher, George Bush, Henny Eman, Boy Rozendaal, Claude Wathey, Angela Merkel, Gerrit Schotte, Jan Peter Balkenende en Mike Eman. De wereld is één grote bestuurlijke ellende. Komt de wereld er dan nooit achter dat dit niet langer zo door kan gaan, dat dit alleen maar tot voortduurende ellende leidt? Oftewel nu het woord duurzaam zo populair is, tot duurzame ellende? Dat zowel dictatorschap als partijkartels in een zogenaamde

‘parlementaire democratie’ de burgers niet het streven naar geluk, succes en zelfrealisatie geven waar zij een grondwettelijk recht op hebben? Een land moet geregeerd worden door de **BESTE** mensen van het land; de besten moeten ervoor uitgenodigd worden om het bestuursambt te aanvaarden in het belang van het land en de bevolking, het moet een eer zijn die verdiend moet worden.

f. Beroespolitici menen dat zij iets weten en hebben wat anderen niet weten en hebben namelijk verstand van besturen. Dat is de grootste **MISVATTING** ter wereld!! Politici menen dat besturen iets is dat alleen zij weten en anderen niet. Zij begrijpen zelfs niet eens dat regeren, besturen, aansturen, leiden, leiding geven, leiding geven aan, de leiding hebben over, beheren, exploiteren, managen, superviseren, bijstaan, coachen, ondersteunen, fiksen, in orde brengen, klaarspelen, organiseren, voor elkaar krijgen, allemaal identiek zijn aan management. De beste vorm van management wordt gepraktiseerd in de sportwereld; de private sector leert veel van management van de sportwereld en het is juist de publieke sector die **LICHTJAREN** achterloopt bij de private sector; politici zijn ergo dus niet mensen die iets weten wat wij niet weten (die geheime kunst van besturen) nee, in werkelijkheid lopen politici **LICHTJAREN** achter ons!

g. “Maar” zeggen de beroespolitici dan. “de overheid en de publieke sector functioneren heel anders dan de private sector”. En daarmee zijn we dan beland bij fallacy 2, **MISVATTING 2**, de overheid zou iets anders zijn dan de private sector. Bedrijven in de private sector, ngo's, het hospitaal, een voetbalclub, een stichting, een supermarkt, een hotel, de raffinaderij, Dienst Onderwijs, een bank...het zijn allemaal organisaties en organisaties worden aangestuurd door middel van een aantal managementpraktijken en -principes ongeacht de aard van de organisatie.

Oracion di Dia

Un feliz siman bendishona rumannan yena cu hopi amor y paz di Señor.

Hesus ta sigui bisa nos awe: Mi ta segura boso: Ami ta e porta pa e carnenan; ken cu drenta paden via di Mi, lo haya salvacion. (Hn 10, 1-10) Hesus ta haci un promesa na nos y Hesus no ta gaña, E ta cumpli. Pero nos mester ta atento na su bos pa sigui su boluntad, pa sigui su caminda, un caminda smal cu no ta facil, tin hopi obstaculo, hopi dificultad y problema pero e ta e unico caminda cu ta segura nos cu ta hiba nos na e porta di salvacion. Hesus mes ta bai nos dilanti pa guia nos, cuida nos y protega nos. Nos mester tin confianza den Hesus vooral na momento di pruebanan, cu E tey cu nos. E no ta

laga nos pa nos cuenta, bandona. Nos mester lucha cu determinacion pa nos no cai den trampa di e bandido, e ladron cu ta bini pa horta nos paz, nos fe, nos forza, nos speranza y nos alegria.

Oracion: Señor nos Dios ki alegria cu na comienso di un dia nobo nos por conta cu Bo, Esun cu ta dunado di bida. Bo ta priminti cada un di nos cu Bo kier salba nos. Nos ta roga Bo pa duna nos e forza renoba pa nos por sigui lucha apesar di tur dificultadnan. Tene nos mannan y cana huntu cu nos pa nunca nos no perde e caminda y pa na final nos yega na e porta priminti. Amen.

Muhenan ilegal tabata balia den boto riba caminda

iahuebs, patruya a cuminsa cu su controlnan riba J.E. Irausquin Boulevard direccion Eagle Beach. For di Eagle Beach, polis a controla te cu Divi Tamarijn. Na momento cu nan a bin bek, direccion nort, riba e mesun caminda, na altura di Paradise Beach Villas, a mira un pick up color blanco ta lastra un boto den direccion zuid. Den e boto, polis a mira cuater persona. Tres hende muhe y un hende homber. Un di e muhenan tabata para y ta balia. A base di esaki, polis a bay bek pa asina a duna e chauffeur un scual riba e comportacion di esnan den e boto. Na altura di Paradise Beach Villas, e chauffeur a para e pick up y tur hende den e boto a bula afo. E

tres muhenan a cuminsa core drenta lama. Polis a detene tur tres. Mientras cu polis tabata acercando e damanan, e pickup blanco cu e boto a core bay. A atende cu e dama kende tabata bailando den e boto. A puntra nan pa nan identificacion, pero esakinan no tabata tin. Un otro di e damanan a menciona cu nan ta ilegal riba e isla. A base di esaki a pone comandante na warda na altura. A tuma contacto cu Warda nos Costa y durante nan control a bin resulta cu berdad G, Z y A no tabata tin un permiso di estadia. Personal di Warda nos Costa lo piki tur tres. Polis a sigui cu nan control. Fuera di esey no tabata tin ningun otro particularidad.

Lagrima y flornan por seca su recuerdonan y tur loke e la hasi y significa pa nos lo keda graba pa semper den nos mente y curason.
“Cerca Dios so mi alma ta na pas, ta di dj’E mi salvacion ta bini”
Salmo 62:1

Cu inmenso tristeza na nos curazon nos ta participa
fayecimento di:



Johanna Catharina Pourrier-Croes

*05-05-1952 – †18-04-2018

ACTO DI ENTIERO LO WORDO ANUNCIA DESPUES

GRADICIMIENTO Y INVITACION

Pa medio di esaki yiunan, rumannan y demas famia kier a gradici tur esnan cu di un manera of otro a muestra nan atencion y a duna nos sosten durante fayecimiento y entierro di nos defunto stima:



**Sra. Celia Maria
Ruiz-Ras**

Cariñosamente yama: “Chela”

Nos kier a gradici tur esnan cu a hasi yamada, cu a manda flor y krans, telegram. Nos kier a gradici Dr. Vis y su ayudante nan. Nos kier a gradici Sr. Nelson Tromp Mariachi Luz di Luna Danki na Ad Patres Funeral Home pa nan pasenshi y e bon servicio. Un danki special na tur famia, amigo, bisiña y conocirnan cu tabata presente na e momentonan dificilnan, boso muestra di atencion tabata un gran Consuelo pa nos.

Alavez nos ta invita tur famia, bisiña, amigo y conocirnan pa compaña nos na 3 Santo Sacrificio di misa cual ta tuma lugar:

Dialuna 23 April 2018 pa 7:00’or pm na Sagrado curason di Jesus na Savaneta
Diahueps 26 April 2018 pa 7:00’or pm na Sagrado curason di Jesus na Savaneta
Diabierna 27 April 2018 pa 7:00’or pm na Sagrado curason di Jesus na Savaneta

Boso presencia lo ta altamente aprecia.

NEW ARRIVALS

REGULAR AND PLUS SIZES



SHIRIBANA 12B

SCHUIN TEGENOVER SUBWAY PARADERA